

619 /
1990/2

ISSN 0138-1024
საქართველოს
ბიბლიოთეკები



1980

ბიბლიოთეკა
035060
№ 6 1990



თქვენი ჭირიმა

ამ დღეს ველოდი, მოვესწარ!..
ვიცინი, აღარ ვსტირი მე!
ახალგაზრდებო, ან კი თქვენ
გამოდით, თქვენი ჭირიმა!..

ბევრი რამ მითქვამს... რომ მეთქვა,
დავიმახინჯე პირი მე!..
ახლა არ გვგლეჯენ ენასა —
სთქვით რამე, თქვენი ჭირიმა!

„ასჯერ გაზომეთ და ერთჯერ
გამოსჭერთ“, ახლაც ვყვირი მე,
ნუ აჩქარდებით! ნურც შიშობთ,
განმტკიცდით, თქვენი ჭირიმა!

ბევრი ვეცადე, ძირმწარეს
ვერ გაუთხარე ძირი მე,
ახლა კი თქვენი ჯერია,
დაშბარეთ, თქვენი ჭირიმა!

კუბოს კარამდე მისული
რალა ვარ, განაწირი მე?
მაგრამ თან თქვენი იმედი
მიმყვება, თქვენი ჭირიმა!

ნუ გამიმტყუნებთ იმედსა,
ხომ ხედავთ, აღარ ვსტირი მე!
დრო მოდის! ერთად ვიცინოთ!
ვიცინოთ, თქვენი ჭირიმა!



დროშა

№ 6 ივნისი, (402), 1990

ჟურნალი გამოდის 1926 წლიდან

ნოტიცები:

ოთარ ჭინქლაძე. აკაკი.
 გალაკტიონ ტაბიძე. უხევედრები აკაკისთან.
 რაჟდენ გვებაძე. „ბაზი-აჩუკი“.
 დომენტი კილაძე. ღვთისური კორტრები.
 ნათია გეგიაშვილი. „კაცად კაცად- მან თვისი ტვირთი იტვირთოს“...
 თამარ გომართალი. იზარდა მწვანე ჯაჭილო...
 რევაზ გოცირიძე. დიდი სტუმარი.
 ალექსანდრე ბუაჩიძე. აკაკი და რუსულენოვანი პრემია.
 გოდამი ტალახაძე. „სამზოგლო, სამზოგლო, ჩამო ლამაზო“...
 ვლადიმერ სოლოუხინი. კანფები ხელისგულზე.
 გრანი ქავთარია. „ღმერთებთან სი- ახლოვით ნებარება“.
 შალვა მარკოზაშვილი. რაფიელ ერისთავის საფლავთან.
 პანორამა.
 კროსკორდი.

● „დროშა“, 1990 წ.

მთავარი რედაქტორი

ოთარ ჭინქლაძე

სარედაქციო კოლეგია:

გულნარა ბახტაძე (პ/მგ. მღვანე), ოთარ ბერი- შვილი, ვახილ გვებაძე, ნათელა ბიორგოზი- ანი, ოთარ ღვებთაშვილი, ვახტანგ მხარე- ჯია, ჯემალ მხარეშვილი, დინარა ნოდია (მხატვარ რედაქტორი), თინათინ სამსონაძე.

დაიწვა შთაგონების ფრთა, დაიფერფლა გული: უკანასკნელი მი- სი ფეთქვა კიდევ ტურფა ასულს უხმობდა. რით ვეზიაროთ აკაკის ხსოვნას? აქ ამბობდნენ: ქართველებს მრავალი მტერი ჰყავსო. შე- საძლოა. მე კი სხვა რამ მაფიქრებს: ქართველ ერს მხოლოდ ერთი მტერი ჰყავს. ეს არის თვითონ ქართველი ერი. პირველყოფილი ცო- დო ქართველი ერის ისტორიისა: დაუნდობლობა, გაუტანლობა, შუ- რი, ღვარძლი ერთმეორეში. უნდა მოისპოს ეს ცოდო... რით? სწო- რედ იმ ნიჭის გაღრმავებით, რომელიც აკაკის აცოცხლებდა... ამ ნიჭს ორი ცეცხლი აქვს: გენიის ცეცხლი, რომელიც შემოქმედებით შეიყვანს ქართველობას მსოფლიოში, და გულის ცეცხლი, სიყვარუ- ლის ცეცხლი, რომელიც განწმინდავს ქართველთა დაბერებულ თვი- სებას... ვიწვოდეთ ამ ორი ცეცხლით... და მაშინ ივერიის ასული პირქუში და თმა-გაწეწილი კი არ მოგვევლინება, არამედ როგორც მხიარული ქალწული, ტყის უტეხი ტევრით გამოსული, რომელიც ცეცხლის რგოლებს ისვრის ზღვის მკერდზე და ზღვის გული იწვის...

სიტყვიდან აკაკის საგვარალო დილაზე 1915 წლის 8 მარტს

განთიადი

მთანმინდა ჩაფიქრებულა, შეჰყურებს ცისკრის ვარსკვლავსა, მნათობი სხივებს მალლით ჰფენს თავდადებულის საფლავსა.

დადუმებულა მთანმინდა, ისმენს დუდუნსა მტკვრისასა: მდინარე ნანას უმღერის რაინდსა, ურჩსა მტრისასა...

მთანმინდა გულში იხუტებს საშვილიშვილო სამარეს, მამადავითსა ავედრებს, აბარებს ქვეყნის მოყვარეს.

მგოსანი გრძნობამორევით თვალს ავლებს არემარესა და გულის-პასუხს ნარნარად უმღერის ტურფა მხარესა:

„ცა-ფირუზ, ხმელეთ-ზურმუხტო, ჩემო სამშობლო მხარეო, სნეული დავბრუნებულვარ, მკურნალად შემეყარეო!..“

„ვერ ავიტანე ობლობა, სისხლის ცრემლები ვღვარეო, წამძლია სულმა და გულმა, შენს ნახვას დავეჩქარეო.“

„წინ მომეგებენ ღიმილით შენი მზე, შენი მთვარეო, გუნდი და გუნდი ვარსკვლავი, მოკაშკაშ-მოელვარეო.“

„გულში იფეთქა სიამემ, სევდები უკუყვარეო, ია და ვარდი დამჭკნარი, ხელახლად გამიხარეო!..“

„ცა-ფირუზ, ხმელეთ-ზურმუხტო, სულის ჩამდგმელო მხარეო, შენი ვარ, შენთვის მოვეკვდები, შენზედვე მგლოვიარეო!..“

„ნურც მკვდარს გამწირავ, ნურც ცოცხალს, ზე კალთა დამაფარეო... და, რომ მოვეკვდები, გახსოვდეს, ანდერძი დავიბარეო:“

„დედა-შვილობამ, ბევრს არ გთხოვ, შენს მიწას მიმბარეო ცა-ფირუზ ხმელეთ-ზურმუხტო, ჩემო სამშობლო მხარეო!“

ჩანგური

მე ჩანგური მისთვის მინდა, რომ სიმართლეს მსახურებდეს, განამტკიცოს აზრი წმინდა, გულს სინმინდით ახურებდეს.

ერთი ჰქონდეს მას საგანი: ჰარმონია მისი ხმების, ცხოვრებაში იყოს ბანი ხან ლხენის, ხან მწუხარების.

ალტაცებით სიმთა უღერა გამოსცემდეს მაგნიტის ხმას და მაზედაც ჩემი მღერა ორხმოვანად გამოისმას.

რომ დაჩაგრულს იმ სიმღერით თვალთ ცრემლები ეშრობოდეს და მჩაგვრელს კი გულში ძგერით ისარივით ესობოდეს.

მაშინ მხოლოდ ამ ჩემს ჩანგურს აშორდება უქმად გდება, და, ვინც გრძნობით დაუგდება ყურს, ვფიცავ, არც ის მოსტყუვდება.

გამიქვავდეს მაშინ ენა, თუ რომ ვისმეს მოვეფერო და გამიხმეს ეს მარჯვენა, თუ სიმრუდით სიმთ ვაუღერო!..

რაგინდ ბედით ვიყო კრული, საშინელი მექნეს ბოლო, არ შედრკება ჩემი გული, გინდა ქვითაც ჩავიქოლო!

სხვისი ლხენით ხომ ვიხარებ, თუ რომ ჩემ თავს დავრჩი ავად, და მაინც არ აღვიარებ შავს თეთრად და თეთრსა შავად.

მე ჩანგური მისთვის მინდა, რომ სიმართლეს მსახურებდეს, განამტკიცოს აზრი წმინდა და გულს წრფელად ახურებდეს!



ტევადი სახელია აკაკი.
ძალიან.

და არც ამ სახელის მატარებელ სხვა ვინმეს იგულისხმებ, როცა გაიგონებ — აკაკი. სწავს არავის. მხოლოდ იმას, ვინც ნამდვილად უნდა იგულისხმოს: აკაკი წერეთელი.

პოეტური სახელია აკაკი.
მუსიკალურიც.

სეველიანიც და იმედიანიც.

მომავლის იმედიანი მომღერალია აკაკი.

განთიადის წინამორბედი.

ჩემთვის ასეა, ყოველ შემთხვევაში.

მაგრამ...

არ ყოფილა აკაკი, მე რომ მეგონა, მარტოდენ პოეტი — საქართველოს ბულბული.

პოეტი რომაა და პოეზიის მიუვალ მწვერვალზე მდგომი საოცრებაც; ეს საყოველთაოდაა ცნობილი და აღიარებულიც.

მე ახლა, მის დიდებულ პოეზიასთან და პროზასთან ერთად, აკაკი, თავისი დროის მოაზროვნე და მოღვაწე უფრო მაინტერესებს და ამიტომ მინდა იმდროინდელ საქართველოსთან მისი შესიტყვება აღვიქვა, როგორც ჩემი და ჩემი შვილებისათვის დატოვებული ანდერძი.

150 წლის აკაკი დღეს, ჩემთვის, ჩემი ერისა და „ცა ფირუზ, ხმელეთ ზურმუხტი“ სამშობლოსათვის.

ქართველი ერისა და საქართველოსათვის, რომლის უკვდავი შვილი მან წყეული 1907 წლის 9 სექტემბერს დაიტირა და რომელსაც უთხრა:

— თუ საქართველოს სიკვდილი არ უწერია, მაშინ იმასთან ერთად შენც უკვდავი იქნები და თუ სასიკვდილოა, როგორც ზოგიერთებს სურთ და ჰგონიათ, მაშინ ნეტავი შენ, რომ მაგ შენ სიკვდილით წინ-უსწარ მის სიკვდილს და თვალთ ვეღვარა ნახავ! არ მომკვდარა საქართველო.

— „არ მომკვდარა!.. მხოლოდ სძინავს და ისევე გაიღვიძებს!..“ გაიღვიძა.

ხოლო, გამოღვიძებულმა საქართველომ საჭიროა აკაკი გადაფურცლოს.

დინჯად, აუჩქარებლად, დღევანდლობის თვალსაწიერიდან.

აკაკი დღეს, ჩვენს გვერდით, ჩვენთან ერთად.

„ამ დღეს ველოდი, მოვესწარ!..“

ვიცინი, აღარ ვსტირი მე!

ახალგაზრდებო, აწ-კი თქვენ

გამოდით, თქვენი ჰირიმე!..“

გამოვედით.

განვგარძოთ კითხვა და ჩაფიქრდეთ. ნუ ავჩქარდებით. არ შეიძლება აკაკის იმედი გავამტყუნოთ.

ამიტომ:

„ასჯერ გაზომეთ და ერთჯერ

გამოსჭერთ“, ახლაც ყვერი მე,

ნუ აჩქარდებით! ნურც შიშობთ,

განმტკიცდით, თქვენი ჰირიმე!“

ახლაც ყვერის 150 წლის აკაკი. ყვერის და გვაფრთხილებს, არ აჩქარდეთო, ასჯერ გაზომეთო და ერთჯერ გამოსჭერთო. არ კი შეშინდეთ, განმტკიცდით, მაგრამ ნუ აჩქარდებითო.

აჩქარებითა, სოფელი არავის აუშენებია.

„ნუ გამიმტყუნებთ იმედსა,

ხომ ზედავთ, აღარ ვსტირი მე!

დრო მოდის! ერთად ვიცინოთ!

ვიცინოთ, თქვენი ჰირიმე!“

დრო მიდის, მაგრამ დრო მოდის კიდევ.

რა ჰქმნა და გააქეთა აკაკიმ მაშინ, იმ დროს, რომელიც გავიდა?

აკაკი და:

— ქართველთა შორის წერა-კითხვის გამავრცელებელი საზოგადოება.

— ქართული თეატრი.

— ყურნალი „კრებული“.

— ჰიათურის შავი ქვა და ტყიბულის ქვანახშირი.

არ ყოფილა აკაკი კარჩაკეტილი მოსანი და არც თავისუფლად მოსიერნე დროის გამტარებელი კაცი. სულ ასეც არ არის საქმე. არ იყო იგი მოწვევითი იმდროინდელი საქართველოს საზოგადოებრივ-პოლიტიკურ ცხოვრებას. აკაკი მუდამ ხალხში იყო და ხალხთან ერთად.

— მოგზაურობა მშობლიური მიწა-წყლის სხვადასხვა კუთხეებში.

— საჯარო ლექციების ციკლი „ვეფხისტყაოსანზე“ ჯერ ქართულად, მერე რუსულ ენაზეც.

— სიტყვა, წარმოთქმული გორის საზოგადოებაში.

— სიტყვა, თქმული თელავში.

— აქტიური და ნაყოფიერი თანამშრომლობა იმდროინდელ ყურნალ-გაზეთებში.

გულმოდგინედ, კეთილსინდისიერად, უანგარო სიჩუმითა და სიყვარულით აქეთა აკაკიმ თავისი საკეთებელი საქმე. ამიტომაც იყო იგი ესოდენ პოპულარული, საყვარელი, დაფასებული.

ახლა სხვა დრო მოვიდა.

ჩვენ რა ვაკეთოთ?

აი, თუნდაც ეს.

აკაკი:

— ყოველი კაცი უნდა აწმყოს მისდევდეს და აწმყოს კეთილში იქნება მომავლის სამსახურიც იმდენად, რამდენადაც ეს ორი დრო ერთმანეთზედ დაკავშირებულია. საქმეს ვინც წინ უსწრებს, ის ნაყოფს ვერ მოიტანს.

არადა, ჩვენ ნაყოფი გვინდა.

ხოლო, ნაყოფი შრომით მოიპოვება. ოფლისმღერელი შრომით, რომელიც ვერც ცულუტობას მოითმენს და მით უფრო, ვერც ღალატს.

მართალია, რომ „მოვა დრო და თავს აიშვებს, იმ ჯაჭვს გასწყვეტს გმირთა-გმირი!..“; ისიც მართალია, რომ როცა ეს მოხდება, მაშინ „სიხარულით შეგეცვლება ამდენი ხნის გასაჭირი“; მაგრამ, მართალია ისიც, რომ ყოველივე ეს თავისთავად არ ხდება და არც შეიძლება მოხდეს. უბრალოდ, არ მოხდება.


აკაკი:

— სამშობლოსადმი ერთგულება და მისთვის თავგანწირულად ბრძოლის ველზე სისხლით დაწურვა, დიდსულოვნობის ნიშანია და თანაც საჩინო ბეჭედი ერთგვარ მამულიშვილობისა. არის მეორე გვარის ნიშანიც იმავე მამულისშვილობისა, თუ არ მეტი, არა ნაკლები, როდესაც კი სიყვარულით, დაუღალავად, ხანგრძლივად, გულგაუტეხლად შრომობს სამშობლოსათვის და ოფლსა და ცრემლს ერთმანეთში არეულს, ჰღვრის მისი გულისათვის.

ცრემლი ჩვენ არ გვაკლია და არც ლოცვა-კურთხევა, მაგრამ ოფლის ღვრით და სამშობლოსათვის დაუღალავი შრომით კი მაინცა და მაინც ვერ დავიკვებნით.

მე ამაზე ბევრი მიფიქრია და ამ ბოლო დროს მომრავლებულ სხვადასხვა კონცეფციებს, პროგრამებს და პლატფორმებსაც ყურადღებით გავეცანი, მაგრამ შიშველი დეკლარაციულობის გარდა, ვერსად ამოვიკითხე ვერც ნაყოფიერ შრომაზე გულაცრუებულობისა და მისი გამომწვევი მიზეზების ახსნა და ვერც წიგნიერად ჩამოყალიბებული ისეთი სამოქმედო პროგრამის თუნდაც მონახაზი დავინახე, რომელიც მდგომარეობიდან გამოსვლის რეალურ იმედს მომცემდა.

საქმე ის არის, რომ არც ის შრომობს ჯეროვანი მონდომებითა და საქმის ცოდნით, ვინც საქართველოს ეკონომიკური დამოუკიდებლობის წინამძღვრები უნდა განსაზღვროს, აგრეთვე ეროვნულ ინტერესებთან შესაბამისობაში მოიყვანოს საქართველოს უხეიროდ ჩამოყალიბებული სახალხო მეურნეობის არსებული სტრუქტურა და არც ის, ვიზედაც უშუალოდაა დამოკიდებული იმ სახისა და ისეთი ხარისხის სამრეწველო თუ სასოფლო-სამეურნეო პროდუქციის შექმნა. რომელსაც გასაღების ფართე ბაზარი ექნება.



ახლა, როცა მე დაუღალავი, ხანგრძლივი და, რაც მთავარია, გულგაუტეხელი შრომისაკენ მოწოდების აკაკისეულ სტრიქონებს ვკითხულობ, უმალ უკვე კანონით დადგენილი საკუთრების ამჟამინდელი ფორმები მაგონდება და გულგატეხილი ვფიქრობ იმის თაობაზე, რომ მათ შორის არ არის კერძო საკუთრება, რომელიც ადამიანის თავისუფლებისა და მისი უფლებების დაცვის ყველაზე უფრო რეალური გარანტიაა.

აკაკის დროს იგი იყო. ხოლო, შრომისადმი დამოკიდებულება და გაწეული შრომის ანაზღაურება, დღეს ჩვენთვის საკითხთა საკითხის რანგშია ასული. ამავ დროს, ისიც სათქმელია, რომ სწორედ ამასთან არის დაკავშირებული ე. წ. ჩრდილოვანი ეკონომიკით გამოწვეული მრავალი ჰატკივარი, რომელიც არანაირ მკურნალობას არ ექვემდებარება. ჩვენს გაჭირვებას არ შევლის არც გაუთავებელი და უშედეგო ბრძოლა სამეურნეო ქურდობის, მითვისების, მიწერების, ტექნოლოგიური ფალსიფიკაციისა და სხვადასხვა მაქინაციების წინააღმდეგ, არც მოწოდებები პატიოსნებისა და კეთილშობილებისაკენ, და არც იმის დადგენა, რომ ქართველ კაცს ეს არ ეკადრებაო.

მიუხედავად ამისა, მართლაც არ ეკადრება. იმას მაინც, ვინც თუნდაც უბრალოდ თანაუგრძნობს ეროვნულ-განმათავისუფლებელ მოძრაობას და საქართველოს ეკონომიკური დამოუკიდებლობისათვის იღვწის.

აკაკი: — ქართველი მხოლოდ მაშინ არის საყვარელი, როდესაც მისი ქართველობა არ დაჰკარგვია... აბა, რა ქართველია ის, რომელიც დამპალ საქონელს დაუწყებს გასაღებას და ღვინოს წყლითა სწყებდავს, რომ ორი გროში მოხარვით ჩამოვრჩეო. არა, ჯერ კიდევ იმდენზედ არ მივსულვართ, რომ წურბელობა დავიწყოთ სხვებივით და სხვების მოტყუებით ვისაზროდოთ!..

ჯერ არ მივსულვართო. ეს მაშინ. ახლა? სულ არც ახლა ჯერ, მაგრამ თითქმის მისულები ვართ და თუ ასე გაგრძელდა, მივალთ კიდევ. ეპ!

„ცა-ფირუზ, ხმელეთ-ზურამუხტო, ჩემო სამშობლო მხარეო.“ ერთი რამ მაინც არის სათქმელი ეროვნულ-განმათავისუფლებელი მოძრაობის ამ აღზევების ხანაში. ზნეობრივი სრულყოფის უებარი წამალია უშუალო მონაწილეობა მექრთამეობის, ქურდობის, უსამართლობისა და ზნეობრივი დაცემულობის სხვა გამოვლინებათა წინააღმდეგ ბრძოლაში. ადამიანის ზნეობრივი სრულყოფა ანტისაზოგადოებრივი ხასიათის გამოვლინებათა და მათ გამომწვევ 'მიზეზთა დაძლევაში მისი უშუალო მონაწილეობის პროცესში ხორციელდება. ვინც განზედგას და ამ ბრძოლაში არ მონაწილეობს, ის ვერ მიადევს ზნეობრივ სრულყოფას და ვერც მაღალი ზნეობის მატარებელი იქნება. მაღალი ზნეობის ადამიანი ვერ დარჩება გულგრილი ამორალური ქცევის იმ გამოვლინებათა მიმართ, რომელთა მოწმეც იგი არის.

აკაკი: — ჩვენი ახალგაზრდობა ვალდებულია, როდესაც ხალხში ჰხედავს უსინდისო და მამასადამე უკანონო საქმეს, ვითარცა საზოგადოების და სახელმწიფოს წევრმა, იყვიროს დაუფარავად. ჩვენს დღევანდლობას არ აკლია არც დაუფარავი ყვირილი და არც ხმადალი მოწოდებები ჩვენი ეროვნული თავისთავადობისათვის მიუღებელი ზედნაშენის უარყოფისაკენ. არც ზოგიერთი სხვა რამ გვაკლია — გამოსახილებელი. ერთი რამ კი წამდვილად დასანანი და ჩვენი ეროვნულ-განმათავისუფლებელი მოძრაობა ბევრს კარგავს ამის გამო ხალხის თვალში. კერძოდ, მომეტებული უსინდისობისა და უკანონობის წინააღმდეგ კონკრეტული, საგნობრივი, პერსონიფიცირებული ბრძოლა. ეს მაშინ, როცა ყოველივე ამის გამო თავად ახალგაზრდობა ვალდებული „იყვიროს დაუფარავად“.

არ უყვირიათ. რატომ? მე მეჩვენება, რომ სულ მთლად უსაფუძვლოც არ უნდა იყოს ამ ბოლო ხანს გავრცელებული ხმები იმის თაობაზე, რომ ეროვნულ-განმათავისუფლებელი მოძრაობის მაღალ იდეალებს ეტმასნებთან უღირსი თანამგზავრები, რომლებიც სარგებლობენ ამ მოძრაობის საერთო მაღალი ავტორიტეტით და არ ერიდებიან შანტაჟს, დაშინებას, გამოძალვასაც კი, რაც ფართო საზოგადოების სამართლიან აღფრთოვებას იწვევს.

ეს ფრიად სამწუხარო, მეტიც, საგანგაშო მოვლენაა და ამიტომ აქ საქმე სწორედ იმ შემთხვევასთან გვაქვს, როცა, უწინარეს

ყოვლისა, ჩვენი ახალგაზრდობა ვალდებულია „იყვიროს დაუფარავად“.

და კიდევ. სამშობლოსათვის დაუღალავი, ხანგრძლივი, გულგატეხილი შრომა მაღალ პროფესიონალიზმს მოითხოვს საქმიანობის ნებისმიერ დარგსა და სფეროში: აგრონომი, ინჟინერი, ექიმი, მასწავლებელი, მეცნიერი, მწერალი, მხატვარი, მუსიკოსი, მსახიობი, სპორტსმენი... და, რაღა თქმა უნდა, მუშაც, გლეხიც. ყველა უკლებლივ ყველა დარგი, სფერო, პროფესია.

დღეს მაინც და განსაკუთრებით სწორედ დღეს, როცა გვინდა, რომ „ჩვენი თავი ჩვენადვე გვეყუდნოს“.

აკაკი: — ვინ არ იცის, რომ ყოველი ბედნიერება ხალხისა არის დამოკიდებული მის გონებით მდგომარეობაზე, რომ უსწავლელად და გაუნათლებლად შეუძლებელია მისი ცხოვრების გაუმჯობესება, განვითარება და ერთი სიტყვით, მისი წინსვლა ანუ პროგრესი. ჩვენ კი წინსვლა გვინდა, პროგრესიც, მაგრამ არ გვინდა იმის ცოდნა, რომ ყოველი ბედნიერება ხალხისა არის დამოკიდებული მის გონებით მდგომარეობაზე.

ამის არცოდნა კი ნამდვილად დიდი ცოდვია. იმდენად დიდი, რომ იგი ეროვნული ტრაგედიის ტოლფასია. ამ საქმეს შევლა უნდა და თანაც დროული. ამ სრულიად განსაკუთრებულ შემთხვევაშიც „ჩვენი ახალგაზრდობა ვალდებულია... იყვიროს დაუფარავად“.

არ ყვირის. რატომ? შესაძლოა იმიტომაც, რომ ამ კონკრეტულ შემთხვევაში ყვირილი საქმეს ვერ უშველის.

უბრალოდ საჭიროა ისწავლოს იმან, ვისაც უნდა და შეუძლია, ვისაც ესმის, რომ „ყოველი ბედნიერება ხალხისა არის დამოკიდებული მის გონებით მდგომარეობაზე“ და რომ, ამის აღქმის, გაგებისა და გააზრების გარეშე ჩვენი ეროვნულ-განმათავისუფლებელი მოძრაობა ვერ შეძლებს თავისი მაღალი მისიის შესრულებას. იგი დაზარალდება. და, მამასადამე, დაზარალდებით ჩვენ ყველანი. მთელი ერი.

მე ისევ და ისევ ვუბრუნდები მომავლის იმედიანი მომღერლის ნააზრევს და თავდაც იმედის გრძობა მეუფლება. იმედი იმის გამო, რომ ჩვენი განთიადის დიდი წინამორბედი დღესაც ჩვენთან არის, მხარში გვიდგას და გვეხმარება კიდევ, რათა განვმტკიცდეთ და ბოროტებას გონების ძალამ სძლიოს, ხოლო გამოვლინებული საქართველოს ახალგაზრდობას უნარი და შეძლება ექნეს ხმადალი თქვას: „ვინც შენატრის იმის სიკვდილს, უმალ მასვე დაამიწებს“.

არ მომკვდარა საქართველო. ეძინა და გაიღვიძა. ახლა ჩვენ, ამ გამოვლინების ეამს, არც გავზომრების, არც თვლების ფშვინების და არც მთქნარების დრო აღარ დაგვრჩა. დაყოვნება დამლუბველია ჩვენთვის. დაყოვნება საფუძვლიანი სწავლა-განათლების მიღებაში. დაყოვნება შრომის ნაყოფიერების ზრდაში. დამოუკიდებლობა სხვაზე დამოკიდებულების, სხვისი მოიმედობის დაძლევის ნიშნავს, უწინარეს ყოვლისა. დამოუკიდებლობა გასაღების ბაზარზე ღირსეულ კონკურენტუნარიანობას გულისხმობს.

დამოუკიდებლობა ერის მაღალი კულტურის დონეს მოითხოვს. გაუნათლებელი, უკულტურო და ეკონომიკურად სუსტი საქართველო ვერ გახდება და ვერც იქნება დამოუკიდებელი. ჩვენ გვწადია დამოუკიდებლობა და თავისუფლება. ღმერთი იყოს ჩვენი შემწე და მფარველი. მაგრამ...

მართოდენ შემწეობა და მფარველობა არ იქმარებს. საქმემან ჩვენმან, უწინარეს ყოვლისა, გამოაჩინოს და წარმოაჩინოს სურვილი ჩვენი, მისწრაფება და მზადყოფნა, მივალწიოთ საწადელს ძნელად სავალ ეკლიან გზაზე. დღეს ამ გზაზე 150 წლის ჭალარა აკაკი გვეგებება და გვმოდგვრავს, გვეფერება და გვაიმედებს, გვაფრთხილებს და გვემუდარება: „ნუ გამიმტყუნებთ იმედსა“.

არ გაგიმტყუნებთ. მადლობელი ვართ ყველაფრისათვის. დაილოცოს შენი დაბადების დღე და ადგილი: სხვიტორი. 1940 წელი. 21 ივნისი. ამინ!



გალაკტიონ ტაბიძე

შუაპედაგოგი აკაკისთან



აკაკის იუბილე იყო, ბევრმა პირველად დაინახა ამ დღეს აკაკი.

მე ერთი კვირის წინეთ ვიკითხე სახაზინო თეატრის კასაში ბილეთი, მაგრამ სრულიად გაყიდულიყო ბილეთები.

დავრჩი ისე, რომ აკაკი ვერ ვნახე, უკვე თხუთმეტი წლის ვიყავი, სემინარიაში ვსწავლობდი, ლექსებსაც ვსწერდი, ვბაძავდი აკაკის... „სირცხვილი არ არის, რომ აკაკი ვერ ვნახო?“ — ვფიქრობდი, მაგრამ შემთხვევა არ მომეცა. სიონის ტაძრიდან აკაკი ეტლით წამოიყვანეს, მინდოდა დამეინახა, მაგრამ ჩემს წინ ჩემზე მაღალი ხალხი დადგა. ეტლმა ჩაიარა კიდეც... შემდეგ სახაზინო თეატრის წინ ვიცდიდი, ხალხი ბუზივით ირეოდა... გათავდა საიუბილეო ზეიმი, აკაკი კი არ სჩანდა. ხალხი მოუთმენლად ელოდა მის გამოსვლას.

— რაზოდიტეს! — გაისმა პოლიციელების ხმა, — აკაკი უქე უეხალ.

— აკაკი წავიდა.

გულდაწყვეტილი გვიან დავბრუნდი ბურსაში, სადაც სემინარიელები ერთმანეთს უზიარებდნენ თავიანთ შთაბეჭდილებებს აკაკიზე.

გავიდა რამდენიმე წელი...

მე უკვე სემინარიაში აღარ ვსწავლობდი. როდესაც სემინარიიდან გამოვედი, სადგურ ხორაგაულის ახალ, ერთ პატარა სოფელში მასწავლებლის ადგილი მომცეს.

კვირა-უქმე დღეებში სოფლიდან სადგურზე ჩამოვდიოდი, აქ თავს იყრიდნენ ჩემი ამხანაგი მასწავლებლები... სალამობით თფილისიდან მატარებელი ჩამოვილიდა და ესეც ერთგვარ სიამოვნებას გვგვრიდა. სრულიად მოულოდნელად რომელიმე ნაცნობი გადმოვიდოდა მატარებლიდან... მოგვითანდა თბილისის ამბებს. გვეტყოდა რამეს ნაცნობების შესახებ...

ერთხელ დიდხანს ვიდექით სადგურზე... ვსაუბრობდით, ვიცინოდით... მატარებელიც მოვიდა. ჭგუფი ახალგაზრდა ქალების იდგა და მგზავრებს ათვალეიერებდა.

ამ დროს მატარებლის მეორე კლასის ფანჯარა ჩამოიწია. კუბედან ღმერთივით გადმოიხედა ბამბის ქულასავით ჭალარამ, ოლიმპიურად ამაყი სახის მქონე მოხუცმა...

— აკაკი! — ჩაილაპარაკა ვილაცამ.

ელექტრონის ძალასავით იმოქმედა ამ სიტყვამ ყველაზე. ერთხანთ გაშეშებულნი ვიდექით. მე თვალებით ვჭამდი ამ სახეს. აკაკიმ წაიკითხა სადგურის შენობაზე მიკრული სახელწოდება და ფანჯარა ისევ დახურა. ვხედავდი, რომ იგი დინჯათ გადაეშვა სავარძელში.

ყველანი ამ კუბესკენ გაექანენ... ბევრმა მატარებელში შესვლაც მოინდომა. დაპკივლა ამ დროს მატარებელმა, მისცეს მესამე ზარი და მატარებელი გუგუნით გაექანა სიბვიით გაღესილ რელსებზე.

დიდხანს დაყრუებულებით ვიდექი.

ორი წლის შემდეგ ქუთაისში ვცხოვრობდი.

არასდროს არ დამავიწყდება სალიტერატურო სალამო. რომელშიდაც პირველად გამოვდიოდი. ხუმრობა იყო? სცენაზე ლექსი უნდა წამეკითხა!

დილიდანვე რალაც საშინელების გრძობამ შემიპყრო... შიშმა სრულიად დამიმონა...

ერთიც ვნახოთ, დამავიწყდა ლექსი! მაშინ?.. საზოგადოება დაინტერესებულია „ახალგაზრდა მგონით“, იგი გათაცოცებით თვალყურს გადევნებს, მაგრამ იგი სრულიადაც არ შესწუხდება თუ შენ ლექსი დაგავიწყდა და შუა ადგილას გაყინდი... რომელიმე დაურიღებელი პირი შემდეგ საყვედურით გეტყვის:

— პუბლიკა სტრადალა იზ-ზა ვას!

მე ძალზე გავიზვიერე ლექსი...

ამ დღეს სალიტერატურო სალამოში მონაწილეობას იღებდნენ: აკაკი, პეტრე გელიშვილი, პ. ცახელი, იასონ ნიკოლაიშვილი, ვარლამ რუხაძე. იყვნენ სხვებიც. სალამო გელიშვილის ლექციით დაიწყო, იგი მუსრს ავლებდა ახალგაზრდა მწერლებს. ახალგაზრდა მწერლები კი იქვე ისხდნენ აკაკის ირგვლივ. დათიკო მესხმა მეორე დღესვე ამ თემაზე იუმორისტული შენიშვნა დასწერა. ლექციის შემდეგ აკაკიმ თავისი კლასიკური ლექსები წაიკითხა, აკაკის შემდეგ კი ჩემი რიგი იყო.

მე დავიწყე, მაგრამ ხმა მიკანკალედა.

უეცრად აკაკის დაინებული შემოხედვა ვიგრძენი... აკაკი მიცქეროდა და...

ლექსი დამავიწყდა, უნდა გავჩერებულყავი...

ციემა ოფლმა დამასხა...

ბელათ, იმ რითმაზე, რომელზედაც გავჩერდი, მომაგონდა სრულიად ახალი რითმა, ექსპრომტათ, ავადმყოფური თავგანწირულობით ვქმნიდი ახალ სიტყვებს, ახალ აზრებს, რომელშიდაც საერთოდ არა იყო რა, მაგრამ მე მსურდა სიტყვების კორიანტელით ამეხვია თვალი მყურებლებისთვის. ცლა საუკეთესოდ დაგვირგვინდა. არც ერთს დამსწრეს არ შეუტყვია და არ უგრძენია ჩემი კრიტიკული მდგომარეობა.

სალამო გათავდა. მე დავიფიცე, რომ ამ დღიდან სალიტერატურო სალამოში არ გამოვალ.

„რა სიბრძნეა, უკითხო ხალხს ლექსები. თუ ასე ძალიანა სურთ, იკითხონ გაზეთებში“, — ვფიქრობდი მე.

აკაკის შემოვერტყით გარშემო. აკაკი ჭაუბრობდა ნიკო ნიკოლაძის გაზეთზე — „ნოვოე ობოზრენიეზე“, სადაც მუდმივთანამშრომლათ ითვლებოდნენ აკაკი და გ. თუმანიშვილი. შემდეგ საუბარი სალამოს ირგვლივ ტრიალებდა...

ილია ბახტაძემ, რომელმაც იმ სალამოს მერეკოვსკის „საკიამუნი“ წაიკითხა, აკაკის უთხრა:

— არ ვიცი, გახსოვთ თუ არა, ბ. აკაკი, მე თქვენ იუბილზე ლექსი ვთქვი.

აკაკის, ალბათ ეგონა, რომ ილ. ბახტაძე ლექსებსაცა სწერს და ოდნავი ღიმილით სთქვა:

— მე ილია ბახტაძე მახსოვს... იგი პუბლიცისტი იყო, მაგრამ ილია ბახტაძე, რომ ლექსებსაც სწერდა, ეგ კი აღარ ვიცოდით!

... ილია ჭავჭავაძემ და აკაკი წერეთელმა წაუშლელი კვალი დააჩნეს ქართველი ინტელიგენციის ისტორიაში. საზოგადოდ ქართველი ინტელიგენციის ისტორია ამ ორი პიროვნების გამოსვლით იწყება. ჩვენს წინ ცოცხლად სდგას ერთი მხრით დაუღალავი მშრომელი და ძლიერი სულიერი ნების პატრონი ილია ჭავჭავაძე, მეორე მხრით დაუმონებლად ამაყი და ციური ნიჭით დაჯილდოებული ნამდვილი პოეტი აკაკი...

აკაკი წერეთელი ჩვენი სამოქალაქო ლირიკის ყველაზე ძლიერი წინამორბედი. ეს იყო მგოსანი, რომელიც ცოცხლობდა თავისი დროის პროგრესულ მოთხოვნილებათა შთაგონებით. ეს იყო მგოსანი, რომელიც ჰკაფავდა გზას წარსულისაგან მომავლისაკენ. თავისი ცხოვრებით და გაბედული ლიტერატურული გამოსვლებით მან უდიდესი როლი ითამაშა ქართველი ერის განმათავისუფლებელ მოძრაობაში. აკაკის ჩანგის მომხიბვლელობა გამოიხატებოდა იმ ზნეობრივ სიძლიერეში, რომელიც შეადგენდა პოეტის პიროვნებას. მან შესწირა თავისი თავი ერთს წმინდათაწმინდას — სამშობლოს. აი, რანაირად ისახება ჩემს წარმოდგენაში მეცხრამეტე საუკუნის უდიდესი ქართველი პოეტის ისტორიული მდგომარეობა და პიროვნება.



აკაკის ანდერძი

დაწერილი 1912 წლის 7 ნოემბერს ქუთაისის ნოტარიუს აბაშუალიძისთან

მე, თავადი აკაკი როსტომის ძე წერეთელი, რომელიც ვარ სრულ ჭკუასა და მტკიცე მეხსიერებაზე, საჭიროდ ვთვლი სიკვდილის შემდეგ დავტოვო შემდეგი ანდერძი:

მთელს ჩემს შენაძენ უძრავ მამულს, რომელიც დარჩება ჩემს შემდეგ და, რომელიც სადაც უნდა იმყოფებოდეს და რასაც უნდა შეიცავდეს, ვუტოვებ ჩემს მეუღლე კნენა ნატალია პეტრე ბაზილევსკის ასულს წერეთლისას და ჩემს შვილს თავად ალექსი წერეთელს, რომ უფლობდნენ მას და სარგებლობდნენ მთელის სიცოცხლის განმავლობაში ამ მამულიდან. სამოსახლო ადგილს შენობებით და კარის ეკლესიით სოფელ სხვიტორში, შორაპნის მაზრაში, საკუთრებად უტოვებ ქართველთა შორის წერეთლების გამაგრებულ საზოგადოებას, რომ იქ გაიხსნას დედათა სკოლა ჩემის სახელობისა. ვენახსა და დანარჩენს ჩემს მამულს ვუტოვებ საკუთრებად საქართველოს საისტორიო და საერთოდ ზეპირ თქმულებათა შესაკრებად და გამოსაცემად. უფლება ჩემის ნაწერების გამოცემისა უნდა მიეცეს ზემოხსენებულ საეთნოგრაფიო საზოგადოებას აღნიშნულ მიზნისათვის. დანარჩენ ჩემს მოძრავ ქონებას ვუტოვებ ჩემს მეუღლეს და შვილს, რადგან ზემოხსენებულ სამოსახლო ადგილთან დაკავშირებული ჩემთვის ფრიად ძვირფასი მოგონებანი. ამიტომ ვთხოვლობ, როცა უფალი თავისთან გამიწვევს, დამასაფლაოთ კარის ეკლესიის გვერდით სოფელ სხვიტორში. გთხოვთ დამასაფლაოთ უბრალოდ და უგვირგვინოდ. გვირგვინის მსურველს ვსთხოვ, გვირგვინის ფასი გადასცეს ზემოხსენებულ საეთნოგრაფიო საზოგადოებას.

ზემო აღნიშნულ მიზნისათვის ამ ანდერძში გამოთქმულ ჩემის ნების აღმსრულებლად ვნიშნავ: თავადს გრიგოლ ნიკოლოზის ძე დიასამიძეს, სერგო ლუკას ძე ბახტაძეს, კონსტანტინე იოსების ძე აბდუშელიშვილს და ექიმს ივანე სპირიდონის ძე ელიაშვილს.

რულებლად ვნიშნავ: თავადს გრიგოლ ნიკოლოზის ძე დიასამიძეს, სერგო ლუკას ძე ბახტაძეს, კონსტანტინე იოსების ძე აბდუშელიშვილს და ექიმს ივანე სპირიდონის ძე ელიაშვილს.

აკაკის ანდერძი დაიბეჭდა „სახალხო ფურცელში“ 1915 წლის 8 თებერვალს, № 205.

ხელმოწერა არა აქვს. თან ახლავს სარედაქციო შენიშვნა:

„რედაქცია საჭიროდ სთვლის აღნიშნოს, რომ განსვენებულმა პოეტმა გარდაცვალების წინ თავის ნათესავეებსა და ახლობლებს განუცხადა, იქ დამასაფლავეთ, სადაც ჩემი ერი მოისურვებს“.

ანდერძი გამოაქვეყნა გაზეთმა „ახალმა აზრმა“ 1915 წლის 8 თებერვალს. თანაც დაურთო შენიშვნა: „თ. გრ. დიასამიძის სიტყვით აკაკის ნათესავ-მახლობელთათვის განუცხადებია, რომ თუ ხალხი სხვაგან დასაფლავებას მოისურვებს, ასეთი სურვილის სანინააღმდეგო ნურაფერი გექნებათ“.

ცხადია, მკითხველს აინტერესებს იმ პირთა ვინაობა, რომელთაც აკაკიმ თავისი ანდერძის აღსრულება მიანდო. ვინ იყვნენ ისინი?

გრიგოლ დიასამიძე დიდი პოეტის მეგობარი გახლდათ, გაზეთ „მუხის“ რედაქტორი, ყურნალისტი და საზოგადო მოღვაწე. სერგო ბახტაძის ოჯახში ქუთაისში ყოფნის დროს, ხრიშად ცხოვრობდა აკაკი და მასთან ახლო მეგობრობა აკავშირებდა. კონსტანტინე აბდუშელიშვილი ქუთაისის ნოტარიუსად მუშაობდა. ექიმი ივანე ელიაშვილი კი ცნობილია, როგორც საბავშვო მწერალი და საზოგადო მოღვაწე.



შუა მაისი იყო.
თბილი, მზიანი ამინდი იდგა.
მთელი ქუთაისი ამწვანებულ ბაღს ჰგავდა.
სახლები ხეებს დაეფარათ, ეზოებში კონდარი ბიბინებდა. ვარდები ჰყვავდნენ.

აკაკის ნირად ჰქონდა — ამ დროს ქუთაისს უთუოდ სწევოდა.
მაისის ერთ დილას მატარებლიდან აკაკი გადმოვიდა. ხელში ტყავის მომცრო ჩემოდანი ეჭირა.

— ბატონ აკაკის სიცოცხლე! ეს რა ბედნიერი კვირა გავგვთენებია ქუთათურებს! ვაბრწყინებული სახით უთხრა პოეტს სასტუმრო „კოლხიდის“ პატრონმა ჰელიძემ, და ჩემოდანი თითქმის ძალით გამოართვა ხელიდან.

აკაკის არაფრად ეჭაშნიკა მისი ნახვა.
— რომელი სადგურის უფროსი შენ ხარ, ყოველ მატარებელს რომ ხვდები, ა?
— ცალკებად უთხრა აკაკიმ ჰელიძეს, თანაც შეეცადა, მოეგონებია, თუ რამდენი ემართა მისი.

აკაკი, როცა ხელმოკლედ იყო, ჰელიძის სასტუმროში ჩერდებოდა. ქუთაისიდან გამგზავრებისას, ფულის მიცემის ნაცვლად, სასტუმროს პატრონს დავთარში ხელს მოუწერდა მხოლოდ და ღიმილით ეტყოდა:

— ესეც ძველს მიემატოს, ერთად გადავიხდი.

— შენი ხელისმოწერა თამასუქზე უფრო ძვირფასია. ნეტავი მილიონი გემართოს, — ღიმილითვე უპასუხებდა ჰელიძე, თანაც ჩემოდანს თავისი ხელით გაუტანდა სადგურზე.

ჰელიძე აკაკისაგან დიდ სარფას არ გამოელოდა, მაგრამ მაინც ყოველთვის უხაროდა, როცა მის სასტუმროში პოეტი ფეხს შედგამდა. დარწმუნებული იყო, აკაკის სტუმრობით, „კოლხიდის“ სახელი მოემატებოდა, სახელთან ერთად — მგზავრები და ამიტომაც წყალში გადაყრილად არ თვლიდა მასზე გაწეულ ხარჯს. ის კი არა, საამაყოდაც მიიჩნდა, რომ საშუალება ჰქონდა, დახმარება გაეწია პოეტისათვის.

აკაკის ხუმრობის არ იყოს, ჰელიძე მართლაც ყოველ მატარებელს ხვდებოდა, მგზავრებს ათვალთვრებდა, როგორც კი შეატყობდა ვინმეს უცხოობას, მაშინვე თავიანდაკე მიმართავდა:

— ჩემთან წამობრძანდით. საუკეთესო სასტუმრო მაქვს. აკაკი წერეთელი ყოველთვის ჩემს სასტუმროში ჩამოხტება, როცა ქუთაისი მოენატრება.

ამ დილითაც ჰელიძე ასე ებატიყებოდა ვიღაც მგზავრს, მაგრამ მოჰკრა თუ არა თვალი აკაკის, სიტყვა შეწყვიტა და პოეტისაკენ გაეშურა.

— ა, სადგურის უფროსი ხომ არა ხარ? — გაუშეშა აკაკიმ.

— სადგურის უფროსი კი არა, ნასილჩიკი ვარ, ბატონო ჩემო, ნასილჩიკი, — სიცოლით უპასუხა ჰელიძემ და მკერდზე ქალის თმის ღერი ააცალა, — მატარებელშიც არ გასვენებენ წყეულები? — სიცოლითვე დაუმატა და უკან ფეხაკრებით გაჰყვა პოეტს.

სადგურის დარბაზიდან ქუჩაში გასასვლელ კიბის თავზე აკაკი შედგა. ქალაქს გახედა. ბაგრატიის ტაძრის ნანგრევებზე შეაჩერა მზერა.

ახლადამოსული მზის შუქით სივრცე ციაკებდა.

ჰელიძე უკვე ქუჩაში იყო. ეტლი დაეჭირა. აკაკის ელოდებოდა.

სადგურის კიბეზე ამავალ-ჩამავალნი წუთით დაყოვნდებოდნენ, პოეტს მოწიწებით შეაჩერდებოდნენ და ისევ განაგრძობდნენ გზას.

აკაკიმ ერთხელ კიდევ მოავლო ქალაქს თვალი და კიბეზე თავადებით იწყო ჩასვლა.

— რად გინდა ეტლი, შენი სასტუმროს ნაბიჯზეა. ფეხით წავიდეთ, — უთხრა მიახლოებისას ჰელიძეს.

ჰელიძემ ჯერ შეჩერებულ მგზავრებს გადახედა, შემდეგ წელში მოხრით თქვა:

— როგორ გეკადრებათ! დაღლილი იქნებით. ჩაბრძანდით.

აკაკის აღარ გაუწვია წინააღმდეგობა. ეტლში ჩაჯდა. ჰელიძე წინ დაუსკუბდა და პოეტის ჩემოდანი მუხლებზე მოწიწებით დაიდო.

— აგერ დაჯექი, ყმწვილო, ორივე დავეტყვი.

— ასე მირჩენია, — უყოყმანოდ უპასუხა ჰელიძემ, თანაც თავი ზურგზე ჰკრა მეეტლეს, ანიშნა, წასულიყო.

ეტლი დაიძრა.
აკაკი მშვიდად ირწეოდა. იგონებდა ქუთაისში გატარებულ ბავშვობას, ჰაბუკობას.

ეტლი შეჩერდა. ჰელიძე გადმოხტა. აკაკიმ გადასძახა:

— ქალაქში გავივლი, მანამ ოთახი მომიმზადე. მალე დავბრუნდები.

ეტლი ისევ დაიძრა.
ვიდრე ეტლი მოსახვევში არ მიიმალა, ჰელიძე დასაწყლებული იდგა. ბოლოს, როცა იგრძნო აკაკის ჩემოდანი ხელში ეჭირა, ისევ გახალისდა.

— უთუოდ დაბრუნდება! — ხმამაღლა იმედიანად ჩაილაპარაკა და საჩქაროდ სასტუმროში შევიდა.

ეტლი მიჰქროდა, დილის ნიავი აკაკის შვევერცხლილ წვერს საამურად არხევდა.

ქუჩებში ხალხი ცოტა იყო.
საკვირაოდ სუფთად წვერდავარცხნილი და ჩაცმული ხელოსნები ყაფანისაკენ მიეშურებოდნენ. სოფლებიდან მომავალ ქალებსა და ბავშვებს გომიჯებითა და ყველით სავსე კალათები ბაზარში მიჰქონდათ. ზოგს ვარიები მიჰყავდა, ზოგს — ძუძუს გოჭი.

მიახლოებული ეტლის ხმაურზე გლენები თხმელის შეშით დატვირთულ პატარა.

ჩოჩიალა ურმებს აჩერებდნენ, რომ ხარები არ დაფეთებულებოდნენ.

ეტლმა ბაღს ჩაუარა.
დახურული მალაზიების წინ მანეკენებით გამოწყობილი ნოქრები იდგნენ. ხელში ახალი გაზეთები ეჭირათ. ხმამაღლა ერთმანეთს უკითხავდნენ.

ბაღში ჯერ თითქმის არავინ იყო.
როცა ეტლმა მარჯვნივ გაუწვია, გაისმა საკრებულო ტაძრის ზარის გუგუნი.

ეტლი ჯაჭვის ხიდთან შეჩერდა.
აკაკიმ ვერცხლის ათშაურიანი მისცა მეეტლეს.

— ბატონო აკაკი, საჩხერის მტვერს თვალის დახამხამებაში მოგაშორებ, — გადაუდგა წინ ფენსაცმლის მწმენდავი ებრაელი ბიჭი და შავი მოგრძო ყუთი ფეხებთან დაუდგა.

აკაკიმ ღიმილით დახედა ჩაცუცქულ ბიჭს, გაშავებულ კვანჩხში შავი ხურდა ფული ჩაუყარა და პირდაპირ სამიკიტნოს მიაშურა. ჯერ გარედან დაათვალიერა სამიკიტნოს ვიტრინა: ახლად შემწვარ გოჭს კვერცხისგულივით ყვითელი კანი დაბზაროდა. ტარხუნაშემოლაგებულ სულგუნებს რძე სდიოდათ. ცალმხარეს, ხარდნებივით აყუდებულ შამფურებზე, შესაწვავად გამზადებული წიწილები წყვილწყვილად წამოეგოთ. მეორე მხარეს ბამბასავით თორნის პურები ეწყო.

აკაკის, როცა ქუთაისში ჩამოვიდოდა, დილა იქნებოდა, ამ სამიკიტნოში უნდა ესაუზმა, შუადღე — აქ უნდა ესადილა, საღამო — ევანშმა. სამიკიტნოს ის პაწია ოთახი, სადაც აკაკის ჯდომა უყვარდა, მერცხლის ბუდესავით გადასცქეროდა რიონს.

ნაცნობი მიკიტანი კარებშივე მიეგება სტუმარს.

●
სამიკიტნოდან მოგვიანებით გამოვიდა აკაკი.

საზაფხულოდ ფერადი ტანისამოსით მორთული ხალხი ბაღის ახლომხლო პეპლებივით ირვოდა.

ბაღშიაც ტყვა აღარ იყო.
მოკრიალეზულ ცაზე მაისის მზე ბრწყინავდა.

აკაკი ნელი ნაბიჯით მიდიოდა.
ბაღში და ბაღის გარეთ მოსეირნეთა

შორის ერთბაშად აღტაცებული ჩურჩუ-
ლი ატყდა:

— აკაკი ჩამოსულა!

შემხვედურები მოწიწებით გზას უთმო-
ბდნენ, შემდეგ მობრუნდებოდნენ და უკ-
ან შორიანლო მისდევდნენ.

მაღე აკაკის ირგვლივ ცნობილ საზოგა-
დო მოღვაწეთა წრე გაჩნდა.

ახლონაცნობები მხარდამხარ მიჰყვებო-
დნენ პოეტს და მორიდებით ემუსაიდებო-
დნენ.

აკაკიმ იასონის მალაზიას მიაშურა; სა-
დაც ყურნალ-გაზეთები იყიდებოდა.

მოწაფეები ცერებზე ღვებოდნენ, ან
ბალის მოაჯირებზე აღიოდნენ, რომ უფ-
რო კარგად დაენახათ პოეტი.

იასონი ქუჩაში დახვდა. მხარულად მი-
ესალმა. სინარულით სახეგაბადრული და
აღელვებული. თავაზიანად შეუძღვა თა-
ვის მალაზიაში. აკაკიმ შიგ შესვლისთანა-
ვე იგრძნო ახლადდაბეჭდილი გაზეთები-
სა და ყურნალების საამური სურნელება.

აკაკი თავისი მხლებლებით იასონმა მა-
ლაზიის უკანა ოთახში გაიწვია. ოთახის
კედლები დაფარული იყო ქართველ მო-
ღვაწეთა და მწერალთა სურათებით. ყვე-
ლაზე თვალსაჩინო ალაგას მოოქროვილ
ჩარჩოში ჩასმული აკაკის სურათი ეკიდა.

იასონმა პოეტს თავისი სავარძელი მი-
ართვა, მაშინვე გატრიალდა და ახალი ყუ-
რნალ-გაზეთები გამოუტყა.

აკაკიმ გაზეთებს დაუწყო თვალყურება,
ისე რომ საუბარი არ გაუწყვეტია. ხანდა-
ხან საოხუნჯო რასმეს იტყოდა. ზოგს აკ-
აკის ოხუნჯობის აზრი და სიმახვილე კა-
რგად არ ესმოდა, მაგრამ მაინც სხვებთან
ერთად იცინოდა.

იასონმა უცებ ოთახში ფოტოგრაფი შე-
მოიყვანა.

— ლამის არის, ამ ფოტოგრაფებმა ქუ-
თაისი შემაძულონ! უმაჯათოდ ქუთაისში
ნათვლა არ შეიძლება, ქორწილი და ტი-
რილი. ორი კაცი რომ ერთმანეთს შეხე-
დეს, იქ მესამეც გაჩნდება და ეს მესამე
უთუოდ ფოტოგრაფი იქნება... რამ შეგა-
ყვარათ ასე საკუთარი თავი ქუთათურებს,
პირდაპირ საოცარია, — ღიმილით უთხრა
აკაკიმ იასონს.

— თქვენმა კალამმა, ბატონო აკაკი, —
უპასუხა მან.

— ჩემი კალამი გმირებს ხატავს, ქუთა-
ისელი ფოტოგრაფები კი... თქვენთან ბო-
დიში, და ვირებს. მე არაფერ შუაში ვარ
აქ, — ხმამაღალი სიცილით თქვა აკაკიმ.

— თუ გიყვარდე, იასონ, მომამორე თა-
ვიდან მაგ კაცი თავისი ეშმაკის ყუთით,
— წყენანარევი კილოთი დაუმატა ბოლოს.

ამ ლაპარაკში იასონს აკაკის გარშემო
უკვე დაეწყო იქ მყოფნი. თვითონ მათ
შუა, აკაკის უკან დამდგარიყო. ფოტოგ-
რაფსაც მოემზადებინა აპარატი და, რო-
გორც კი აკაკიმ ისევ ასწია თავი, სურა-
თი გადაიღო.

— მშვენიერი სურათი იქნება, — კმა-
ყოფილებით ჩაილაპარაკა ფოტოგრაფმა
და აპარატი ოთახიდან გაიტანა.

— რად გამალანძღვინე ეს ხალხი ამ
კვირა დილით, ა? — შეუტია აკაკიმ იას-
ონს, თანაც გაზეთი დაკეცა.

— არაფერია, ბატონო აკაკი. შეუძლი-
ათ, თავი იმით ინუგეშონ, რომ თქვენც
მათთან ერთად იქნებით გადაღებული, —
უპასუხა იასონმა, მაგრამ უცებ შეკრთა

— ვაი თუ აკაკიმ იწყინოსო.

— მე კი ის მეყოფა ნუგეშად, რომ ენა-
ბრვეილს, ენა გაგატეხინე, — ღიმილით
დაპყრა მხარზე ხელი აკაკიმ იასონს და

წასასვლელად მოემზადა. გაზეთების დასტა
ილიაში ამოიღო, ჯოხი ხელში დაიკავა.

— ბატონო აკაკი, ღღეს სადილად ჩემ-
თან წამობრძანდით, — მიმართა ერთმა
იქ მყოფთაგანმა.

— არა, ღღეს არა, ხვალ, სხვა დროს.
კარგა ხანს ვაპირებ აქ დარჩენას. ახლა
დაღლილი ვარ, წუხანდელი უძილო. პი-
რდაპირ სასტუმროში უნდა წავიდე.

— სალამოს კლუბში მაინც მობრძან-
დით, თავის შექცევის შემდეგ ერთად ვი-
ვასშმით, — სთხოვა მეორემ.

— მაგ შეიძლება, მაგრამ იმ პირობით,
თუ ცოტა სახარჯოს დამიტოვებთ, სულ
არ გამეტყვენით, — იხუმრა მიმავალმა
აკაკიმ.

— აკაკი, ქუდი დაგრჩათ! — წამოეწია
კარებთან იასონი და ქუდი მიაწოდა.

— მოვხუცდი, იასონ, მოვხუცდი. გუ-
ლმაფიწყობაა ამისი პირველი ნიშანი, —
რადაც გულნაკლულად ჩაილაპარაკა აკა-
კიმ. ქუდი ჯოხთან ერთად ხელში დაიკავა
და კვლავ კარებისაკენ გასწვია.

მალაზიის წინ დიდძალ ხალხს მოეყარა
თავი...

აკაკის გამოსვლას ელოდნენ.
გამოჩნდა თუ არა, ვიღაცამ დაიძახა:

— გაუმარჯოს ჩვენს აკაკის!
— გაუმარჯოს! — იგრილა ქალმა და
კაცმა, დიდმა და პატარამ, ამ შეძახილს
მხურვალე ტაში მოჰყვა. ქუჩაში ეტლები
შეჩერდნენ.

აკაკი არ ელოდა ამას. ერთი შეჩქევიდა.
ტაში ძლიერდებოდა.

აკაკიმ მადლობის ნიშნად ხალხს თავი
დაუტყრა.

გზა დაუთმეს.
მსტოვანი პოეტი სასტუმროსკენ ფეხით
გაემართა.

მთელი ხალხი უკან გაჰყვა.
თეატრის წინ თავმოყრილი მსახიობები
მიესალმნენ, თანაც თხოვეს: ამაღამ „პა-
ტარა კახის“ წარმოდგენაზე დაგვესწარიო.

აკაკი დაჰპირდათ.
მსახიობებიც შეუერთდნენ ხალხს.

სასტუმრო „ფრანციასთან“ პოეტი შე-
დგა. ეტყობოდა, ღელავდა, უნდოდა, ხა-
ლხისთვის რაღაცა ეთქვა, მაგრამ ვერ მო-
ენებრებინა.

კვლავ ატყდა ტაშის გრილი. გრილი
აკაკიმ ერთხელ კიდევ ალერსით მოა-
ვლო თვალი ქუთათურებს და სასტუმრო-
ში შევიდა.

სასტუმროს პატრონი ფრანგი ქალი თა-
ვის ენაზე მიესალმა, მოიკითხა, შემდეგ
კვლავ უაღრესად ოთახისაკენ, თვითონ
გაულო ოთახის კარი. მოსამსახურე ქალს
უბრძანა, პირსაბანში წყალი გამოეცვალა.

— არავინ შემოუშვებ ჩემთან, თუ ღმე-
რთი გწამთ, დაღლილი ვარ, — ფრანგულ
ენაზე სთხოვა აკაკიმ დიასახლისს.

— კეთილი! — ტკბილად უპასუხა დი-
ასახლისმა და, როგორც კი მოსამსახურემ
პირსაბანში წყალი ჩაასხა, კარი ეშმაკუ-
რი ღიმილით გაიხურა.

აკაკიმ ფანჯარა გამოაღო.
ოთახში რიონის ხმაური და სიგრილე
შემოვიდა.

სასტუმროს წინ ჯერ კიდევ იდგა ხალხი.
აკაკიმ ყელსახვევი მოიხსნა, პიჯაკი
სკამზე მიაკიდა, ცოტა ხანს ოთახში გაიარ-
გამოიარა, შემდეგ გაზეთი აიღო და წამო-
წვა.

ქელიძე კი ყოველი ეტლის ხმაურზე
გარეთ გამოვბოდა, მაგრამ აკაკი არსად
ჩანდა.

უკვე ბნელოდა, როცა აკაკიმ თვალი
გაახილა. სახეზე დაფარებული გაზეთი
მოიშორა. ადგა. ფანჯრიდან, მზის სხივე-
ბის ნაცვლად, ახლა მთვარის შუქი იფრქ-
ვეოდა, რიონის ხმაურიც მკაფიოდ ისმო-
და, ფანჯრის ფარდას ნიავი როგორც ქალ-
ის ლეჩაქს, ნელა არხევდა.

აკაკიმ სიცივე იგრძნო. ფანჯარა მიხუ-
რა. ელექტრონი ანთო, მაგრამ მისმა
მკრთალმა შუქმა ვერ განდევნა ოთახიდან
მთვარის ნათელი.

აკაკიმ ხელ-პირი დაიბანა, თმა-წვერი





შეჭედიანებული აკაკი, სანსტუმროში გვიან დაბრუნდა. გვიან ადგა. ახლად წამომდგარს იასონმა კარებზე დაუკაკუნა.

— კლუბში ყოფილხარ, აკაკი, გავიგე. კარგად გიჭედიდა, მაგრამ კარგა ბლომა-დაც წავიგია, — შესვლისთანავე უთხრა იასონმა.

— რომ მომეგო, ის იქნებოდა გასაკვირი, თორემ წაგება შუბლზე მაწერია, ჩემო იასონ!

ცოტა ხნის შემდეგ აკაკიმ ჩემოდანი მოიძია, მაგრამ რომ ვერ ნახა, შეშფოთებულმა მოსამსახურეს დაუძახა, ჩემი ჩემოდანი ვინ წაიღო, ჰკითხა.

როცა მოსამსახურემ ვერაფერი უპასუხა, დიასახლისს გამოუძახა, მაგრამ დიასახლისი სასტუმროში არ აღმოჩნდა.

— ნამდვილად იმ გარეწარმა მოიპარა ჩემოდანი, — უცბად იყვირა აკაკიმ. — უთუოდ მან მომპარა და ჰიათურაში გაიქცა. რაღა ვქნა, შიგ ისეთი ვანძი მქონდა, ათას მანეთად არ შეველეოდი, — ცხარობდა აკაკი.

— ვინ იყო აკაკი? — ჰკითხა შეწუხებულმა იასონმა.

აკაკიმ დაასახელა ქურდის გვარი.

— შეურცხვა იმას თავი! — თქვა იასონმა და სასწრაფოდ გატრიალდა, რომ ეს ამბავი შავი ქვის მრეწველობის საბჭოსათვის ეცნობებინა.

სულ მალე აკაკის ეწვია შავი ქვის მრეწველთა საბჭოს ორი წარმომადგენელი და თავისი წევრის უღირსი ქცევის გამო ბოდიში მოიხადეს. თანაც თხოვეს, ოღონდ ამ ამბავს ნუ გაახშიანებ და იმ ათას მანეთს ჩვენი საბჭო ავინაზდაურებთო.

მართლაც, ერთმა მათგანმა ამოიღო ფული და აკაკის წინ მაგიდაზე დაიწყო თვლა.

უეცრად კარი შემოაღო ჰელიძემ.

— ბატონო აკაკი, ვინაიდან ჩემს სასტუმროში ცხოვრება არ ისურვეთ, ეს ჩემოდანი უკანვე მოგიტანეთ. ვიფიქრე, შეიძლება დაჰკირდეს-თქო, — მოკრძალებით მოახსენა მან და ჩემოდანი მაგიდაზე დადო.

აკაკი კარგა ხანს გაოცებული შესცქეროდა ჰელიძეს, მერე ერთბაშად მოაგონდა ყველაფერი.

— სად ქუდი მჩებება, სად ჩემოდანი. დალახვროს ეშმაკმა ჩემი მეხსიერება!.. როგორ ტყუილად დამიწამებია ცილი იმ კაცისათვის, — სინანულით თქვა აკაკიმ, შემდეგ საბჭოს წარმომადგენლებს მიუმბრუნდა, — ის საერთოდ არაა პატიოსანი კაცი, სხვისი ქონების მითვისებას ჩვეულობს, მაგრამ ამჟამად არაფერ შუაში ყოფილა და ამიტომ ბოდიში, თქვენ კი არა, მე უნდა მოვიხადო.

— გაუგებრობა ყოველთვის შეიძლება მოხდეს. საბოდიშო არც თქვენ გაქვთ რა-მე, — სიცილით ჩაილაპარაკა ერთმა მათგანმა, რომელიც ფულს უთვლიდა აკაკის, მაგრამ ახლა ისევ ჯიბეში იწყობდა.

— შე ფეხებმოსამტკრევეო, ცოტა ხანს მაინც დაგეცადა, რას მოარბენინებდი მაგ ჩემოდანს! — ხუმრობით შეუძახა აკაკიმ გაკვირვებულ ჰელიძეს და ჩემოდანი გახსნა, თან დაუმატა:

— ეს ათასი კი არა, ათი ათასი მანეთი ღირს!

აკაკიმ ჩემოდნიდან ახლად დამთავრებული „ბაში-აჩუკის“ ხელნაწერი ამოიღო.

1940

დაივარცხნა, ყელსახვევი გამოინასკვა, პიჯაკი მოიცვა. შემდეგ მოსამსახურეს დაუძახა, ჩაი მოეტანა.

ჩაი დიასახლისმა შემოუტანა თავისი ხელით.

როგორ მოისვენეთ, ბატონო აკაკი? — ფანჯარა ღია დამჩჩენოდა. ცოტა მა-ერეოლებს.

— ეგ როგორ მოგივიდათ?! ცუდათ ხომ არა გრძნობთ თავს?

ვილაცამ კარზე დააკაკუნა. დიასახლისს წყენა დაეტყო, რომ არ დაცადეს აკაკისთან ყოფნა.

— მობრძანდით! — გასძახა აკაკიმ.

ოთახში შემოვიდა ერთი აზნაური, ჰიათურის შავი ქვის მადნით მოულოდნელად გამდიდრებული. ეტყობოდა, დიდხანს არ უნდა გაეგლო, რაც ჩოხა-ახალუხი გაეხადა. როგორც ჩაცმით, ისე ქცევით ცდილობდა, ნამდვილ კომერსანტს მგვანებოდა. თანაც სახელოვან ხალხთან ნაცნობობას ეტანებოდა. მამაპაპური ხმლის მაგივრად ახლა თავმოვერცხლილი ჯიბე ეკირა ხელში და წარამარა ატრიალებდა.

ულვაშები ხარაბუასავით ყურებამდე სწვდებოდა, ხოლო ნიკაპთან დატოვებული პატარა წვერი შავ ბოლოკს უგავდა. კვირაობით ამაყად იცოდა ყელის მოღერება და სიარული. სხვა დროს მოუსვენარი კაცი იერი ჰქონდა.

— სალამი აკაკის, სალამი!

აკაკიმ უსიტყვოდ ჩამოართვა ხელი. იმავე დროს ოთახიდან გამავალ დიასახლისის ფრანგულად უთხრა:

— გეთაყვა, ეტლს დააძახებინეთ.

— ბატონი ბრძანდებით, — უპასუხა დიასახლისმა, ერთი აღმაცერად შეხედა ახლადმოსულს და კარი უმადურად გაიხურა.

— დაბრძანდით... ჩაის ხომ არ მიირთმევთ? — წესად მიმართა სტუმარს აკაკიმ. ეტყობოდა, პოეტის მაინცდამაინც არაფრად უხაროდა მისი ნახვა.

— არა, გმადლობთ, — იუარა მან და მაგიდასთან, სავარძელში მჯდომ აკაკის ჯიბეებში ხელებჩაწყობილი დაადგა თავზე. ცოტა ხნის შემდეგ პიჯაკი გაიხსნა, ოქროს საათი ამოიღო, რომელიც ისეთი მსხვილი და გრძელი ოქროსავე ძეწკვით ეკიდა შესუქებულ მუცელზე, რომ ავი ნაგაზის დასაბმელადაც გამოდგებოდა.

შემდეგ მასპინძელს გვერდით მიუჯდა და ტოლივით ჰკითხა, თუ როდის ჩამოვიდა, რამდენ ხანს აპირებს ქუთაისში დარ-

ჩენას, რა დაწერა ახალი, თბილისში რამდენი ხანია არ ყოფილა.

აკაკი ნაწყვეტ-ნაწყვეტად პასუხობდა, თან ჩაის სმას განაგრძობდა.

— ნეტავი დარჩენა შემეძლოს, — უთხრა ბოლოს სტუმარმა, — ამაღამ ჰიათურაში მივდივარ, გადაუდებელი საქმე მაქვს. თქვენს უნახავად არ მიწადოდა წავსულიყავი, ამიტომ გეახელით. ვეცდები, ჩამოგისწროთ. თქვენთან ქალაქის თამაში მომენატრა სწორედ.

— რატომაც არ მოგენატრება! უფულოდ ჯდება, ჯიბეგასქელებული დეები, — გაიცინა აკაკიმ.

— ბედის საქმეა.

— ბედის კი არა, თითების, — მოუჭრა აკაკიმ.

ამის შემდეგ სტუმარი დიდხანს აღარ დარჩენილა.

მის წასვლისთანავე აკაკიც გავიდა გარეთ. ეტლში ჩაჯდა. ეტლმა გაჩირაღდნებულ თეატრს აუარა. ეტყობოდა, წარმოდგენა უკვე კარგა ხნის დაწყებული იყო. თეატრის წინ უბილეთოდ დარჩენილი ბავშვები წრიალებდნენ.

ქუჩაში ყრიაბული იდგა. ეტლი კლუბთან გაჩერდა.

ლაქიამ იცნო თუ არა აკაკი, მაშინვე ცალი ხელით ქუდი მოუხადა, ცალით კარი ფართოდ გაუღო.

აკაკი ღიმილით მიესალმა.

შესვლისთანავე გარს ნაცნობები შემოეხვივნენ.

კლუბში ჩვეულებრივზე მეტი ხალხი იყო დღეს.

— თეატრში მიველოდნენ, ბატონო აკაკი! — უთხრა ვილაცამ.

— დავიგვიანე, სხვა დროს ვნახავ, — თქვა აკაკიმ და პირდაპირ ქალაქის სათამაშო ოთახს მიაშურა.

დიდ, მრგვალ მაგიდას უსხდნენ ქუთათური ვაჭრები, რამდენიმე ინტელიგენტი, ოფიცერი და ორი-სამი ჩოხიანი თავადი.

აკაკის შესვლისთანავე ყველანი ფეხზე წამოდგნენ.

ერთმა ვაჭარმა აკაკის თავისი ადგილი დაუთმო.

აკაკი თამაშში ჩაერია, მაგრამ, როგორც ყოველთვის, ახლაც წააგო.

ქალაქის თამაშის შემდეგ აკაკის დიდი ვახშამი გაუმართეს.

დანიელა ურია ბულბულივით მღეროდა „სულიკოს“ და „ციცინათელას“.

უ

ეხედავ თუ არა ამ სურათს, უმალვე გაიფიქრებ: დიდი მგოსანი ხმამალა ლაპარაკობს არა მარტო იმას, რაც ჩუმად ყველამ იცის, მაგრამ კრინტს ვერაფერს ძრავს, არამედ იმასაც, რისი თქმა ჯერ კიდევ აზრადაც არავის მოსვლია. მერე ამჩნევენ, რომ თვალეში მზიანი გულის შუქი ანთია, ხოლო ბაგეებზე ტანჯვა-ნაღველის დამაამბებელი ქნარის საამო ჰანგები ირხვეიან...

მარტო სურათის მიხედვით ძნელია ამ ბიბლიური სახის იდუმალებათა გამოცნობა, მაგრამ სიბრძნის წყურვილით ანთებული სიჭაბუკის მიმზიდველობა, ჟამთა სვლის სიმკაცრეს რომ ანელებს, თვითონვე მიგვიძღვის ახალ-ახალ სათნოებათა სიღრმისაკენ.

და აი, მგოსნის სახეს თანდათანობით შეყავხარ შემოქმედებითი საოცრების განუმეორებელ სამყაროში.

ამ სამყაროში ხალასი გრძნობებისა და ფხიზელი ჭკუა-გონების მრავალმხრივი ღირებულებებია, სილამაზის კანონების მიხედვით რომ აწყობილან და ზნეობრივ ნორმებად დალაგებულან.

ცნობილია, რომ ბუნებაში მშვენიერია ის, რაც ხელოვნებას ჰგავს, ხოლო ხელოვნება ესთეტიკურ კმაყოფილებას უფრო მეტად ბუნების მოგვარებით გვანიჭებს. ალბათ, ამით უნდა აიხსნას, რომ აკაკის სახეში მარადიული ბუნების სილამაზე, იმავდროულად, ხელოვნებისათვის დამახასიათებელი ოსტატობითაა გამოვლენილი და ღვთაებრიობამდე მგრძნობიარეა.

შეეხება თუ არა თვალის უჩინარი კვესი, მგოსნის სახეს, ამ უკანასკნელის ჰარმონიულად აწყობილი ნაკვეთები მყისვე აფეთქდებიან და თავიანთი სილამაზის ნაპერწკლებს გამოასხივებენ.

შემოქმედის წარმოსახველობითი შესაძლებლობა ხომ ჰადრაკის თამაშის კომბინაციებით ამოუწურავია და ზემორე ნაპერწკლებიც მგოსნის შთაგონების ფანტასტიკურ ენაზე ამეტყველების სიმბოლ-



ღვთიური ზოგსჯესი

ოებად გვესახება. ამითაც უნდა აიხსნას, რომ ესთეტიკური სიამოვნება, ტანჯვა-ნაღველი კმაყოფილება, რასაც აკაკის სურათის განცდილებები, ისევე განუმეორებელია, როგორც თვითონ აკაკი.

აკაკის სახეში სუფევს მიუწვდომელი სიმართლე... ესთეტიკური ფენომენიც ხომ არ არის პარადოქსისაგან თავისუფალი და სწორედ ეს მიუწვდომელი სიმართლის მშვენიერება, მგოსნის შემოქმედებიდან სურათში ისეა გადმოტანილი, რომ ადამიანს თავის ღირსებას შეაგრძნობინებს.

აკაკის სახეს რომ აკვირდები, ბუნებრივია, მისი შემოქმედებისაკენ მიგწევს გული და ფიქრობ, მგოსნის შთაგონების დინამიკური „მე“ მისი ერთი რომელიმე ნაწარმოებით ხომ ვერ ამოიწურება? მაგრამ რომელ მათგანში ფეთქავს ყველაზე მეტად ესთეტიკური იდეალის საზეიმო მომავალი? იქნებ „ბაში-აჩუკში“... ბუნებისა და სულის ამ მხატვრული წიაღიდან თუ შევხედავთ აკაკის სახეს, მასში ამოვიკითხავთ, რას ნიშნავს სიციცხლის მგოსნის ცხოვრების იდეალურ მსაჯულობამდე ამალღების საოცრება. ხელოვნების ამ ამალღებული სილამაზის ესთეტიკური აქტი რომ მართებულად შეაფასო, უნდა წარმოიდგინო „ბაში-აჩუკით“ აღფრთოვანებული გოეთე, მოკრძალებული პატივისცემით ქულს რომ იხდის აკაკის წინაშე...

შეიძლება იკითხონ, რატომ მაინცდამაინც გოეთე? ცნობილია, რომ „ჰიდრაში“ გოეთე შენატრის საიმპერიო ტახტების მსგერევეს და უცხო მოძალადის დამამხობელი ვაჟაკობის ქედუხრელობას. ის ანკარა წყარო, რომელმაც „ბაში-აჩუკის“ ლალი სიჭაბუკე წარმოშვა ერთი ერის ფარგლებში როდი თავსდება. გოეთეს რომ ის შედეგრი წაეკითხა, ასე მგონია, იგი მას თავისი მოაზროვნე მუზის დიდებულ მოულოდნელად მიიჩნევდა.

დომენტი კილაძე





ბ

აბრიელ ეპისკოპოსი იმ მამულიშვილთა რიცხვს ეკუთვნის, რომლის ცხოვრება და საზოგადოებრივი მოღვაწეობა ერთმანეთისგან განუყოფელია, ერთი მეორის გავრცელება და ორივე ერთად აღებული განუწყვეტელი ფიქრია საქართველოს აწმყოსა და მომავალზე.

გაბრიელის ცხოვრების წესი მისსავე ქადაგებებიდან გამომდინარეობდა. ეპისკოპოსის გაბრიელის ქადაგებათა ორივე ტომი ძველი და ახალი აღთქმის დამრიგებლობით მოტივებსა და მამხილებელ იგავებზეა აგებული, მაგრამ მათში საერთო თვალსაზრისით ისეთი მებრძოლი სული ტრიალებს, რომ დღეს სულ სხვაგვარად უნდა იქნეს წაკითხული და შეფასებული.

გაბრიელის ყველა ქადაგების მიღმა კონკრეტულ შემთხვევასთან გვაქვს საქმე და ამ გარემოებათა გათვალისწინებით გაცილებით უფრო საინტერესოა მისი ქადაგებების განხილვა.

გაბრიელ ეპისკოპოსი წარმატებით აგრძელებდა ჩვენში გავრცელებულ დამოძღვრა-დარიგების ტრადიციულ წეს-ჩვეულებას, რაც უმთავრესად სრულდებოდა ქრისტიანულ სამლოცველოში, რომელიც ადამიანის ზნეობრივი აღზრდის კერას წარმოადგენდა. გაბრიელის ქადაგებანი საეკლესიო მრევლისა და ფართო საზოგადოების ზნეობრივ აღზრდას ემსახურებოდა და თავის დროზე გარკვეულ დადებით ნაყოფსაც იძლეოდა. ეს, რა თქმა უნდა, რელიგიური რწმენის ნიადაგზე იყო აღმოცენებული.

გაბრიელი, როგორც კეშმარიტი მამულიშვილი, სისხლი სისხლთაგანი და ხორცი ხორცითაგანი იყო თავისი ერისა. ილიასა ზრით, გაბრიელი იმისთვის იყო მოვლენილი ამ ცოდვის ქვეყანაზე, „რომ ადამიანმა მისის ხედვით და მაგალითით შეიძლოს საკუთარის ზნისა და ხასიათის გაწვრთნა და განმტკიცება“. არადა ეს ხედვობდა XIX საუკუნის მეორე ნახევარში. მოძალბებული რუსიფიკაციის პირობებში. გაბრიელის მთავარი მიზანი იყო ქართული ეროვნული ინტერესებისა და ინდივიდუალობის დაცვა. გადაავლო თუ არა თვალი იმერეთის ეპარქიას, გაბრიელს სავალალო სანახაობა გადაეშალა: სილატაკე, უვიცობა, გაუტანლობა, ზნეობრივი დაკნინება. ამ უბედურებათა მიზეზად ეპისკოპოსს ხალხის გაუნათლებლობა და ზნეობრივ ღირებულებათა სიმწირე მიაჩნდა.

პეტერბურგის სასულიერო აკადემიის მაგისტრს, ფილოსოფოსსა და ღვთისმეტყველს გაბრიელ ეპისკოპოსს თვალსაჩინო ღვაწლი მიუძღვის სახალხო განათლების საქმეში და ამიტომ ხშირად უხდებოდა შებრძოლება „ორთავიან იანუსთან“ ანუ მზრუნველ იანოვსკისთან, რომლის ხელში სკოლა ის იარაღი იყო, რომელიც რუსულ „ცივილიზაციას“ შეიტანდა ქართველ ხალხში.

აღმავალი გზით მიმავალმა ცარიზმის კოლონიურმა პოლიტიკამ იმ მიჯნამდე მიიყვანა ქართული საზოგადოება, რომ ქართველმა თვითვე შეიძულა ყოველივე, რასაც კი ქართული ერქვა. ქართული მოწინავე საზოგადოება წინ აღუდგა გარუსების პოლიტიკას. დიმიტრი ყიფიანი იანოვსკის აგრესიული პოლიტიკის შესახებ წერდა: „ჩინგისხანებმა, ლანგთემურებმა, შაჰ-აბაზმა, ნადირშამ ვერ შემუსრეს ჩვენი ხალხოსნობა და ახლა თქვენ გინდათ შემუსროთ?!“

„ველიკო რუსეთის“ ერთი „შესანიშნავი წარჩინებული“ მინისტრი შესაშური ერთგულებითა და დიპლომატიური ენერგიულობით ახასიათებს დიდებული რუსეთის დიდებულ ცივილიზაციას: „შეიძლება ითქვას, — აღნიშნავს თავის მოგონებებში ს. ვიტტე, — რუსის ხალხი, რომ ის ქრისტიანი და მართლმადიდებელი არ იყოს, ნამდვილი მხეცი იქნებოდა. ერთადერთი, რაც მას მხეცისაგან ანსხვავებს — ეს რელიგიის საფუძვლებია, რომელიც გადაცემული აქვს მას მექანიკურად ან ჩანერგილია მასში სისხლით, რომ ეს არ იყოს, რუსის ხალხი თავისი უმეცრებითა და ელემენტარული განყოფილებით უქონლობით ნამდვილი ველური იქნებოდა“.

ამგვარ მდგომარეობაში დაყოვნება დანაშაულს უდრიდა. გაბრიელ ეპისკოპოსმა სწავლა-განათლებაზე ზრუნვა უმთავრეს მოვალეობად მიიჩნია. გაბრიელის მზრუნველობის შედეგად მრავალი სამრევლო სკოლა გაიხსნა იმერეთის ეპარქიაში. იმდროინდელ სწავლა-აღზრდის უღიმღამო სისტემაზე საინტერესო ცნობას გვაწვდის გაზეთი „ივერია“:

„გაბრიელ ეპისკოპოსის მოღვაწეობის დასაწყისში სასულიერო სასწავლებლები ბნელით იყო მოცული. სწავლა-განათლების ლამპარი იქ არც კი ბუუტავდა, არც მასწავლებელი ჰგავდა მასწავლებელს, არც მოწაფე მოწაფეს... გაბრიელმა დავითივით დაამარცხა იმ წყვილიადის მუშაკი გოლიათი და მისი გარდაცვალების დროს აღრიზდელთან შედარებით ცათამდე ამაღლებულს, კეთილგანწყობილს, გაფართოებულსა და გაკეთებულს ვხედავთ“.

გაბრიელის ამგვარმა საქციელმა შეაშფოთა ბიუროკრატიული აპარატი. იანოვსკი-ლევიტსკიმ მთელი იერიშები გაბრიელის წინააღმდეგ მიიტანეს და დაყინებით მოითხოვდნენ მისი, როგორც „ტუზემეცის“, ეპისკოპოსობიდან გადაყენებას. გაბრაზებული იანოვსკი განათლების მინისტრისადმი წარდგინდა მოხსენებაში წერდა: „იმერეთის სამღვდლოება ხელს უშლის სასწავლებელთა ღირებულების მისი სკოლების განმტკიცებაში“.

სწორედ ასეთ ვითარებაში უხდებოდა გაბრიელს ერის დარაზმვა რეალური საშიშროების წინააღმდეგ, რაც დიდ სირთულეებთან იყო დაკავშირებული. მისი აღსრულება მოითხოვდა ქართველი ხალხის ერთ მთლიან ეროვნულ სხეულად გაერთიანებას, საეკლესიო და საერო მოღვაწეთა თავდადებას.

გაბრიელისთვის სიკეთე ზნეობის იდენტური მცნებაა, კაცთმოყვარეობა კი — სიკეთისა. ამ თვალსაზრისით გაბრიელი რჩეულია; „მრავალნი არიან ჩინებულ და მცირედნი რჩეულ“ (ლუკა, 14, 24). ცხოვრების ასეთი გზის არჩევა მისი ზნეობიდან გამომდინარეობდა. გაბრიელის პრაქტიკული მოღვაწეობა მიმართული იყო იქითკენ, რომ საშიშროება არ დამუქრებოდა ეროვნულ სულს. მომძლავრებულ უკეთურებას არ დაეშალა ის დიდი სიკეთე, რასაც თავის თავში მოიცავდა ზოგადად ადამიანობა. გაბრიელს მტკიცედ ჰქონდა შეგნებული კეშმარიტება, „და ნუ გეშინინ, მათგან, რომელთა მოსწყვიდნენ ხორცი თქუენნი, ხოლო სულსა ვერ ხელ-წევიფების მოკვლად. არამედ გეშინოდენ მისა უფროის, რომელი შეძლებული არის სულსა და ხორცთა წარწყმედად გეპენიასა შინა“ (მათე. 10, 28).

1888 წლის შემოდგომაზე ალექსანდ-

რე III ჩამოვიდა საქართველოში ენერგიულობის მოვიდა, მოიარა კახეთი და ბოლოს ქუთაისს ეწვია. აქ საღვთისმეტყველად პირ სობოროში გაემართა; სადაც გაბრიელს პარაკლისი უნდა გადაეხანდა.

ეტლი სობოროს კიბეებზე გაჩერდა. ხელმწიფემ ამაღის თანხლებით აიარა კიბე, შევიდა სობოროში, გაემართა ამბიონისაკენ, როდესაც ეპისკოპოსის ხმა მოესმა:

— შედექ, რუსის ხელმწიფე...
ხელმწიფე შეყოყმანდა, ამბობდნენ დამსწრენი. უნდოდა სვლა განეგრძო, მაგრამ უნებლიეთ შედგა კარიბჭეში, სადაც ეპისკოპოსის შემოძახებამ მოასწრო, და ცხადის უკმაყოფილებით მოისმინა ეპისკოპოსის სიტყვა... ეს ქვეყანა უძვირფასესი მარგალიტია შენს გვირგვინში... სხვა ზრუნვის ღირსია, სხვა მოპყრობას მოითხოვსო...

ეროვნული უკმაყოფილება და ჩივილი იმდენად ნათლად იყო გამოთქმული ეპისკოპოსის სიტყვაში, რომ იმთავითვე გუნებაგაფუჭებული იმპერატორი სულ მოიღრუბლა. ის ღრუბელი ვერც იმ საღამოს თავდაზნაურობის მიერ გამართულმა ნადიმმა გადაუყარა სახიდან“ (ი. ზურაბიშვილი, კარგ ქართველთა ხსოვნისათვის, 1962, გვ. 70).

გაბრიელი თავის ქადაგებებით დიდ ეროვნულ საქმეს აკეთებდა. ეპისკოპოსის ქადაგებანი ბევრად არის განპირობებული მისი სულიერი ძალმოსილებით, ხასიათით, მიდრეკილებებით, ცხოვრების ნირით. გაბრიელის პირად ცხოვრებასა და პრაქტიკულ მოღვაწეობას შორის მჭიდრო კავშირია „მსგავსი ყოველი მსგავსსა შობს“. ჩვენ რომ არც მოგვეპოვებოდეს საქმაოდ სრული ცნობები გაბრიელ ეპისკოპოსის ცხოვრების, მისი პიროვნული ღირსებების, ადამიანური ბუნების შესახებ, ყოველივე ამის დადგენა, მისივე ქადაგებებიდანაც შეიძლება.

ქადაგებაში გამოკვეთილია გაბრიელ ქიქოძის პოლიტიკურ-სოციალური, ფილოსოფიურ-ფსიქოლოგიური შეხედულებანი. როგორც თავისი ეპოქის დაკვირვებულ შვილს, გარკვეული პოზიცია გააჩნდა იმ სოციალურ სინამდვილეზე, რომელსაც ბატონყმობა ერქვა და, მისივე სიტყვებით ასე ზღუდავდა და აფერხებდა ცხოვრების წინსვლას.

ერთხელ გაბრიელი ქუთაისის მთავარანგელოზის ტაძარში ქადაგებდა ბატონყმობის წინააღმდეგ, სადაც მქადაგებელი ამტკიცებდა, რომ ბატონყმობა არის უსამართლობა, წინააღმდეგი ქრისტეს მცნებისა:

„თავდაზნაურობამ ეს იწყინა. დაიწყეს დრტინვა ეკლესიაშივე, ნელ-ნელა გამოვიდნენ კარში, დარჩნენ მხოლოდ მარშლები და რამდენიმე გლეხი, რომელიც მუხლმოდრეკილი ისმენდნენ მქადაგებლის მოძღვრებას. ვინც დაესწრო ამ ამბავს, იმას არ დაავიწყდება არასოდეს დიდებული სახე მღვდელმთავრისა. პირველმავე ხმამ დრტინვისა და ჩივილისამ იმოქმედა მქადაგებელზედ. ეს წუთი დიდებული და ამასთანავე საშიში წუთი იყო: უხასიათობას, გაუბედობას შეეძლო სამუდამოდ დაემცირებინა ის ღვთიური მოვალეობა, რომელიც კისრად აწევს ქრისტეს ბრძანების მქადაგებელს, დაემცირებინა თვით მქადაგებელი სამწყსოს წინაშე. წაერთმია მისთვის სახელი ნიჭიერის მქადაგებლისა, რომელიც ჰქონდა დამსახურებული: ეს იყო წამი, როდესაც უმეცრება, უბუნურე-

„კაცად კაცადგან თვისი ზვირთი იზვირთო“

ბა პირისპირ შეება, შეეჯახა გონიერებას, უსამართლობა — სამართალს, ბნელი — სინათლეს. ყველამ, ვისაც კი ესმოდა ამისთანა დიდი მნიშვნელობა ამ წამისა, განაბა სული... გათავდა ქადაგებაც და წირვაც! გალავანი ქუჩიდან ეკლესიის კარებამდე ისე იყო გაჭედილი თავადაზნაურობით, რომ ნემსიც არ ჩაეარდებოდა. ხმაბალი დრტვინვა, მუქარა მღვდელმთავრის მიმართ ისმოდა გარედან თვით ეკლესიაში. რომლის გამოსავალ კარებთან, აღუზიელ აზნაურ კ. კანდელაკს ქარქაშიდან ამოწვდილ ხმალზედ ხელი დაედო. ისმოდა მოკვლის მუქარა. მღვდელმთავარმა წყნარად, დამშვიდებით ვაიხადა სამოსელი და წამოვიდა კარებისაკენ. ეკლესიის შუაგულ ადგილას დაუხვდა დეკანოზი და მოახსენა. ნუ გაბრძნდებით, თავადაზნაურობა ადევლებულიაო. „ნუ სწუხარ, დეკანოზო“, ბრძანა მღვდელმთავარმა და თამამად გამოსწია კარებისაკენ. აი, წამი, რომლის კალმით აღწერა და ენით გამოთქმა შეუძლებელია, რომელიც შეიძლება მხოლოდ იგრძნოს კაცმა... მღვდელმთავარმა უშიშრად გამოადგა კარებში ფეხი, გადაიხვდა მარჯვნივ, საცა კ. კანდელაკი ხმალზედ ხელდადებული იდგა. მღვდელმთავარმა წყნარად გასწია ქუჩისაკენ, სადაც უცდიდა ეტლი, მაგრამ შიგ არ ჩაბრძანდა და ფეხით წავიდა. გათავდა ყოველივე სასიქადულოდ მქადაგებლობა, სასარგებლოდ საქმისა და საბედნიეროდ ყოველთა. კ. კანდელაკი და სხვანი მეთაურნი გაშტერდნენ, ერთმანეთს შესცქეროდნენ და რაღაც გამოურკვეველ ბურანში იყვნენ: „მძლია მღვდელმთავარმა! ეს ოხერი ხელი ხმლის ვადაზედ შემაცივდაო, სთქვა ათრთოლებულ ხმით კ. კანდელაკმა!“ („იკალი“, 1983, № 42).

გაბრიელს ადამიანთა სულიერ სამყაროში წვდომის უნარიც შესწევდა. ის იყო ადამიანთა ფსიქიკის საუკეთესო მცოდნე, რომელსაც შეეძლო, ესა თუ ის მოვლენა ფსიქოლოგიურად გადაეაზრებინა და დიდაქტიკური შეგონებებით აემალეებინა ზნეობრიობა. პოლიტიკური შეგნება, კაცთმოყვარეობა და სხვა კეთილშობილური გრძნობები. გაბრიელი ბრძენკაცია, საგან-

თა და მოვლენათა ღრმად მწვდომი. ერთხელ რაჭაში ქადაგებისას გაბრიელს შეუმჩნევია მრევლში მტირალი დედა-შვილი. ქადაგების დამთავრებისთანავე ეპისკოპოსი მათთან მისულა და, როცა შეუტყვია, ეკლესიის ამშენებელ კომიტეტს მათი მარჩენალი ხარი შეწერილ გადასახადში წაურთმევია, ძალიან გაბრაზებულა, მტირალი დედა-შვილი დაუმშვიდებია, ხოლო კომიტეტისთვის წერილი გაუგზავნია: ცოდვით ამშენებულ ეკლესიას მე აღარ ვაკურთხებ და ნულარ მელითო.

გაბრიელ ეპისკოპოსი არსებითად ილია ჭავჭავაძის პოზიციაზე იდგა. მას ისევე, როგორც ილიას თაობას, პოლიტიკური სეპარატიზმი არასდროს უქადაგებია, არც ძველი ფეოდალური საქართველოს აღდგენის იდეა უდიდებია. იგი მონარქიასთან შედარებით რესპუბლიკურ წყობილებას აძლევდა უპირატესობას.

გაბრიელ ქიქოძე აღუშფოთებია „რენე-გატი ქართველის თეორიულ ბოღვას“ — საქართველოს რუსეთთან ასიმილაციის თეორიას და უპასუხა:

„კურთხეულ არს დიდი და მოწყალე ღმერთი, რომელმა არ დაანება ჩვენი ტომი შთანთქმად თათრებთ და ყიზილბაშთა, წყეულთა და შეჩვენებულთა... ქართველის და სომხების ენანი, თუმცა მცირე ხალხის ენანი არიან, მაგრამ არა ღარიბნი. იმ ენებს აქვს მწიგნობრობა, ლიტერატურა, საღმრთო წერილი და მრავალნი წმინდა მამათა ნაწერები და ნათარგმნი. ამ ორ ენაზე ყოველი მეცნიერება და აზრი გამოითქმის, მათ აქვსთ ორი ათასი წლის მეტი ისტორია, ისინი იყვნენ ოდესმე თვით მღვდმარენი სახელმწიფონი. ამისათვის მათი განკარგება ძნელად საფიქრებელია. შეუძლებელია და წარმოუდგენელი“ (სულ-მნათი გაბრიელის საუნჯე, ქუთაისი, 1897, გვ. 83).

ქუთაისში, გაბრიელ ეპისკოპოსი, ბაგრატიის ტაძრის მეზობლად, არქიელის გორაზე ცხოვრობდა. ძნელად წარმოსადგენია უფრო თავისებური ბუნების ადამიანი, როგორც გაბრიელ ეპისკოპოსი იყო:

„სათნოება და მაღლი მას არ აკლდა, ოლონდ მისის სახის ღრმა და რთული გა-



ეროვნული
ნიშნითა

მომეტყველება, რომელშიაც სიყვარულა და სიკეთე სიმკაცრის რაღაც მსგავსს ეულ-ლებოდა და ყველა ამას მწუხარე, სევდიანი იერი ახლდა, რჩეულთა შორისაც განარჩევდა. გაბრიელის ხასიათის სიმარტივე მის ტანსაცმელშიაც სჩანდა. იგი არ დაგიდევდათ ფარჩეულობას, მისი შესამოსი იყო უბრალო შავი კაბა — ანაფორა, თავზე შინ უბრალო ხუცის გახუნებული შლაპა და შავი სკუფია. მოსულ უცხო მნახველს ხშირად სირცხვილიც დამართია, შეცდომაში შესულა, ეზოში ხშირად შეუმჩნევია მოსიარულე ბერი, ... მიუჩნევია მღვდელმთავრის შინაურ კაცად და უთხოვია, ბატონთან შეგვეგზავნე, მოახსენე ჩემი მოსვლა და ნახვის სურვილი. — გაბრიელი სერიოზული სახით მოისმენდა თხოვნას, შევიდოდა ბინაში, გადაიცვამდა ანაფორას, გამოვიდოდა და ჰკითხავდა, რა გნებავთ, მითხარითო. მოტყუებული სტუმარი, ან მთხოვნელი ოფლში იწურებოდა და შიშით მიდიოდა ხელზე სამთხვეველად“ (იქვე, გვ. 136).

ღრო გადიოდა... წლებს თავისი მიჰქონდა. მიჰქონდა ენერჯია და ძალა. აღსასრულის მოახლოებას შინაგანად გრძნობდა. ანდერძიც კი დაწერა, სადაც ყველას ემუდარებოდა, მიეტევებინათ შეცოდებანი:

„კაცი ვარ და ყოველი კაცობრივი არა შორს არის ჩემგანო“. ყველას შესთხოვდა „აღველინათ ლოცვა მიცვალებულის ცოდვილი სულისთვის“. საქველმოქმედო საზოგადოებებს პირად მემკვიდრეობას უტოვებდა, საქართველოს კიდევ ერთხელ ლოცავდა და სამარადქამო დიდებას უსურვებდა.

1896 წლის 25 იანვარს დიდი ტაძრის სამგლოვიარო ზარებმა ქუთაისის მცხოვრებთ სასიქადულო მოძღვრის გარდაცვალება აუწყა. ივანე ზურაბიშვილი წიგნში „ქარგ ქართველთა ხსოვნისათვის“ წერდა: „ჩვენ არ წარმოვადგენდით თავისუფალ საქართველოს, რომ მთავრობას ეროვნული გასვენება დაედგინა, მაგრამ უდეკრეტოდაც გაბრიელ ეპისკოპოსის გასვენება ნამდვილი ეროვნული გამოდგა და დეკრეტით დადგენილზე ბევრად უფრო დიდებულად, მშვენიერი და გულწრფელი, რადგან ერმა თავისის თავისუფალის ნებით, სრულის შეგნებით, სიყვარულით და წრფელის გულისით მოიხადა თავისი უკანასკნელი ვალი დიდებულ მამულიშვილობის წინაშე“.

ნათია ბაგიაშვილი



იზარღე, მწვანე ჯეჯილო...

სამშობლოსა და ხალხის სამსახურზე უფრო კეთილშობილური საქმე არ არსებობს! თითოეულმა ადამიანმა პირადი ბედნიერება უნდა ანაცვალოს ამ დიდ იდეალს! სამშობლოსათვის თავდადება, ფიქრის ბედსა და უბედობაზე პატარა მოქალაქის წმიდათაწმიდა მოვალეობა! — ასწავლიდა „ჯეჯილი“ ნორჩ ქართველ მკითხველს.

იმხანად ყურნალისა და კერძოდ, საბავშვო ყურნალის გამოცემის ნებართვის მიღება არც ისე იოლი იყო. ანასტასია თუმანიშვილს დიდი ბრძოლითა და მტკიცე ხასიათის წყალობით მიუღწევია მიზნისათვის. ამ მნიშვნელოვან თაოსნობაში მას მხარს უჭერდნენ აკაკი წერეთელი, იაკობ გოგებაშვილი და გახუყრელი მეგობრები ეკატერინე გაბაშვილი, კეკე მესხი, სოფიო ციციშვილი და სხვები.

მწერალმა ქალმა 1890 წლის 3 აგვისტოს მიიღო ყურნალ „ჯეჯილის“ გამოცემის უფლება. ცნობას ყურნალის დაარსების შესახებ ქართველი საზოგადოებრიობა აღფრთოვანებით შეხვდა.

ილიას „ივერიამ“ 1890 წლის 31 დეკემბერს ქართველ საზოგადოებრიობას აუწყა საბავშვო ყურნალის დაბადება: „სასიამოვნო ამბავი უნდა ვახარო ჩვენს მკითხველს: დღეს დაურიდდა ხელმომწეროთ პირველი ნომერი ახალი საყმაწვილო ყურნალ „ჯეჯილისა“, რომელიც ამის შემდეგ ყოველ ორ თვეში გამოვა, ანასტასია თუმანიშვილის რედაქტორობით. მეტად კარგი რამ არის ეს პირველი წიგნი თვალსაჩინოებისათვის, არც გული და ჰკუთა დავიწყებელი. ერთისა და მეორისათვის სამკალია საკმაოდ შიგ. ყლა წიგნისა, სუ-

რათები, ქალღი, ნაბეჭდები, შინაარსი — ყოველივე თითქოს ერთმანეთს ეჯიბრება, ერთმანეთს არას უთმობს. სიკეთითა და სილამაზით... „ჯეჯილის“ რედაქციას კარგი საჩუქარი დაუმზადებია ჩვენი მოზარდი თაობისათვის... დიდი სიამოვნებით გადავიკითხე თითქმის მთელი წიგნი ამ ახალი დაბადებულისა და ნორჩი ყურნალისა. და უნდა ვთქვა, რომ გულით და სულით ვისიამოვნეთ, დავტკბით, დავტკბებით და უფრო ტკბილად დავებრდებით, ვიდრე მამა-პაპის ნაანდერძევი „აბრამიანი“ და „გოზინაყი“ დაგვაბერებდა“.

ყურნალის პირველი ხელისმომწერი ოღლა ჰავჭავაძე ყოფილა. მას იმთავითვე აღუთქვამს რედაქციისათვის, ილიას რაიმეს დაეაწერინებო. მართლაც, „ჯეჯილის“ პირველი ნომრისთვის ო. ჰავჭავაძეს მოუტანია ლექსი „ბაზალეთის ტბა“.

ყურნალს ეპიგრაფად წამძღვარებული ჰქონდა ი. დავითაშვილის სტრიქონები:

„იზარღე, მწვანე ჯეჯილო,

„დაბურდი, გახდი ყანაო“.

„ჯეჯილი“ ამ სახელწოდებით ი. გოგებაშვილს მოუწოდებდა: „ბავშვებს ის ახარებს, რაც დიდებსაც არ აწყენთ“, — უთქვამს დიდ პედაგოგს. ყურნალს თავიდანვე მოუხვეჭია პოპულარობა. იგი ორი განყოფილებისაგან შედგებოდა. პირველ განყოფილებაში იბეჭდებოდა ნაწარმოებები მცირეწლოვანთათვის, მეორეში — მოზრდილთათვის. ყურნალში იბეჭდებოდა წერილები მეცნიერების სხვადასხვა საკითხებზე, გამოჩენილ ადამიანთა შესახებ. თარგმანები უცხო და კლასიკური ლიტერატურიდან, ფართოდ შეუქმდებოდა ქართული ფოლკლორი, „ჯეჯილის“ სარედაქციო კოლეგია განსაკუთრებულ ყურად-

ღებას აქცევდა ქართული ენის სიწმინდის დაცვას.

ყურნალ „ჯეჯილის“ დააწყებინა წლის თავზე აკაკი წერეთელი „ჯეჯილი“ შედარებით სხვაგვარად გამოდის, მაგრამ მკითხველი მაინც ცოტა ჰყავს და ამის მიზეზიც ადვილი მისახვედრია: ჩვენში ყოველივეს ჯერ კიდევ მებუქე და მეგანგაშე ეჭირვება, თავის თავად ავ-კარგის გარჩევას ვეღარ ახერხებს დღევანდელი ქართველობა“.

„ჯეჯილის“ ყოველ გამოსვლას მოუთმენლად ელოდა ქართველი საზოგადოება. ყურნალმა დაახლოვა მწერლები ბავშვებთან.

აი, როგორ იგონებს ამ შესანიშნავ ურთიერთობას და სიყვარულს იაკობ გოგებაშვილი: „ჩვენი გამოჩენილი პოეტები თანაუგრძობდნენ ამ ყურნალს. აქ წაიკითხავდით აკაკის, ვაჟასა და ბევრ სხვათა ლექსებსაც. ჩვენი შიო მღვიმელი ნამდვილი შიოს მარანი იყო: უხვი, პურადი, გულადი. არ გამოსულა ნომერი „ჯეჯილისა“ შიოს თავისი ძღვენი, ნობათი არ მიერთმია პატარა მკითხველებისათვის...“

„ჯეჯილის“ ოცი წლისთავზე ივლიტა ნაკაშიძემ ასე შეაჯამა ყურნალის რედაქტორის მოღვაწეობა: „იქნებ დედამიწის ზურგზე არ მოიპოვებოდეს მეორე იმისთანა ადგილი, სადაც წინმსვლელობის, პროგრესის გზა ისე იყოს სავსე ნარიითა და ეკლით, როგორც ახლანდელ საქართველოში. ამ გზის გაკაფვა შეუძლია იკისროს ხალხის მხოლოდ იმისთანა რჩეულმა შვილმა, რომელსაც თავისი თავი დავიწყებული აქვს და სულდგმულობს ქვეყნის სიკეთით. საუბედუროდ, უკუღმართი აღზრდის გამო გუნდი ამისთანა მაღლით მოსილი მოღვაწეებისა საქართველოში მეტად მცირეა და იმ მცირე გუნდში თქვენ ღირსეულად და სამართლიანად გიჭირავთ ფრიად საპატიო ადგილი.“

თქვენი ღვაწლი ხალხის განათლების ასპარეზზე დაუფასებელია. „ჯეჯილის“ დაარსებით თქვენ შექმენით ახალი ხანა ქართველთა განათლებაში, შექმენით საკუთარი მხნეობით, დაუღალავი ენერგიით. მთელი ოცი წლის განმავლობაში თქვენ აჩუქეთ საყმაწვილო ლიტერატურას მრავალი წიგნი, სავსე მრავალფეროვანი შინაარსითა.

თქვენმა „ჯეჯილომა“ გააღვიძა და გამოიყვანა ამ მეტად საპატიო ასპარეზზე არა ერთი ქართველის ნიჭი, რომელიც უამისოდ უქმად და უნაყოფოდ დატკნებოდა. ამითაც არ დაკმაყოფილდით, თქვენ შექმენით მეორე კერაც სწავლა-განათლებისა. დაარსეთ ახალი საზოგადოება „განათლება“, რომელმაც გახსნა ფრიად სასარგებლო სასწავლებელი ღარიბ ქართველთათვის...“


თქვენ მიეცით და აძლევთ ქართველ ქალებს ბრწყინვალე მაგალითს თავმდაბლობისა, გარჯისა, დაუმტკნარი მხნეობისა, ქვეყნის სიკეთის იშვიათი ერთგულებისა. ამ მაგალითით უნდა მოიხიბლოს მრავალი ქართველი ქალი და გახდეს თქვენი მიმდევარი.

ქება და დიდება თქვენს მრავალმხრივ მოღვაწეობას, ლოცვა და კურთხევა მადლიერის მშობლების. მასწავლებლებისა და მათი ნორჩი მოწაფეებისაგან“.

მადლიერების ამ სიტყვებს ნორჩ მკითხველთა ამყამინდელი თაობაც უერთდება.

თამარ გომართელი

ყვავილები. ფოტოგრაფი იური რიდალოვისა



ეროვნული
ბიბლიოთეკა





სახლ-მუზეუმის ინტერიერი



150



სახლ-მუზეუმის აივანი




ქობი სოფელ სავანში



სახლ-მუზეუმის ეზო



აკაკის სახლი სხვიტორში



ტაძრე „ხიდნაშე“



ეკა და ნინო ულოცავენ ერთმანეთს ბავშვთა დაცვის დღეს

ანი

1 ივნისი ბავშვთა დაცვის

საერთაშორისო დღეა!

ნატო



ონის საზოგადოება აკაკი წერეთელს
რიონის ხილთან უცდიდა.

ონი ხეობაშია ამოშენებული. მუხნარ-
წაბლნარ-ფიჭვნარ ტყეებში სოკოებივით ამ-
ოსული სოფლები, ჩაქარგული ვენახები
და ამოქარგული ბაღები, ვერცხლის ქა-
მარივით თუ ცისარტყელასავით არტყია
გარშემო ონს.

დიდი მგოსანი ქუთისიდან მოეშურებ-
ოდა რაჭას.

ლონიერი ცხენები ბრავაბრუვით შემო-
იჭრნენ რიონის ხილზე და მსუბუქი ეტლი
ლაღად შემოაგორეს მუხის მორებისაგან
შეკრულ იატაკზე. ეტლში საქართველოს
ბულბული იჯდა. ერის წარსულის, აწმყო-
სა და მომავლის ფიქრით დატვირთული
გონი და სული ზეიმობდა რაჭის ხილვას.

რიონის ხილთან დააბრძანეს აკაკი ნა-
ვერდოვან სავარძელში და მალლა ატოტი-
ნებული მიიყვანეს დათა გოცირიძის ოჯ-
ახში.

დათა გოცირიძის სახლი ონის განაპი-
რას იდგა, ტყესთან ახლოს, ორსართულ-
იანი, ქვიტირით ნაშენი. სახურავს თუ-
თის არშია ჰქონდა ირგვლივ, შუაგული
კრამიტისა იყო, გარედან ცისფრად შეღე-
ნილი, ფართე, გადახურული აივნით შე-
მოვლებული, შიგნით კედლები და იატა-
კი, ზეთის საღებავივით ნაირფრად მოხატუ-
ლი.

სადარბაზო ოთახის მაღალ კუთხეებში
ანგელოსების ქანდაკებები. ზემო სართულ-
ში ექვსი ოთახი. პირველ სართულზე თა-
ღებიანი მაღალი მარანი, უზარმაზარი, დი-
დი, საშუალო და პატარა ჭურები.

სუფრა აივანზე გაიშალა. რაჭულმა ღვი-
ნომ და ქართულმა ხასიათმა ქეიფი და
ლხინი გაამძაფრა.

გულიანად, მჭიდროდ ნაკეთები, ფოჩე-
ბიანი ქობათით შემოვლებული, წითელ-
ხავერდოვანი სავარძლები პრილებდნენ.

რაჭული შაშხისა და ლორის, ხაჭაპურე-
ბის, ლობიანებისა და ფხალიანების ოხში-
ვარი ბუბუნებდა. რიონის, ჭანჭახის, ლა-
რულასი და ჯეჯორის სიბი ლოდების ქვეშ
ხელობითა და ანკესით დაჭერილი კალ-
მანი ცალკალკე მოეხარშათ მარილწყალ-
ში. მინავლულ ნაღვერდალზე შედგმულ
თიხის კეცებზე შეებრაწათ კალმანი და
ერბოდაცხებული ნიყვის სოკო. თხილის
შამფურებზე წამოგებული სამწვადეები
შინდისფრად ელავდნენ.

სჯა-ბაასი, ბრძნული აზრები, ენამზიან-
ობა, ენამოსწრებულობა ქვედრულასავით
მოედინებოდა სუფრაზე და მასპინძელი
და სტუმრები აკაკისთან ერთად გამოუც-
ნობ, იღუმალ სიამოვნებას განიცდიდნენ.
დიდი მგოსანი ისუფთქავდა რაჭას და რა-
ჭა ეწაფებოდა „სულიკოსა“ და „ციცინა-
თელას“ მელოდიებს.

გათენებამდე ივსებოდა და იცლებოდა
მოვერცხლილი ყანწები და ვერცხლის თა-
სები. გამთენიისას აკაკის დიდ ოთახში შე-
უძღვა დათა გოცირიძე.

კუთხეებიდან ანგელოსები იყურებოდ-
ნენ. დიდი პოეტი შევიდა დარბაზში, მი-
ვიდა კედელთან და ფანქრით მიაწერა:

სტუმართა მოყვარეობა,
რაჭველთა განთქმულია,
მაგრამ სტუმარის გულშიაც
მათი სიყვარულია.

ეს ერთი სტროფი ლექსი დათა გოცირი-
ძემ — ბაბუაჩემმა, შუშის ჩარჩოში მოა-
თავსა და ის კედელზე, ძვირფას სამახსო-
ვრო ნივთთა შორის, დღესაც ელვარებს.

მეორე დღეს ოჯახის წევრებთან ერთად



დიდი სტუმარი

დიდ პოეტს სურათი გადაუღია. აკაკი შუ-
აშია. მუხლებზე პატარა გიგა უზის. იქაა
მამაჩემი, მამილები. ბებია და ბაბუა.

მეორე ღამეც ბაბუაჩემის ჭერქვეშ გა-
უთენებია მგოსანს. მეორე დილითაც, ღია
აივანზე შილიფად გამოსულს, სიამით გა-
დაუვლია თვალი გარემოსათვის. სადღაც,
შორს, სხივებში ელვარებდა ბუბა. იქვე
ახლოს მოჩქარალებდა რიონი.

ზაფხულში რიონი რუხი ფერისაა, ფო-
ლადისფერი. შემოდგომასა და ზამთარ-
ში ლურჯი, კამკამა-ცისთვალოვანი.

ტალღებით ნალოკ ლოდების ქვეშ კა-
ლმანი ბუდობს. შელოპირლ კანზე დამჩ-
ნეული წითელი წინწყლები ბზინავს და
ანათებს წყალში. დაღმა და აღმაც მიცუ-
რავს კალმანი, რიონის სათავეებამდეც კი,
და დევის ხახასავით დაღებულ კლდის ნა-
პრალში, საიდანაც დედამიწის კურცხალი
სცივავ, ტანს ავლებს და ქვირითსა ჰყრის..

აივანზე გადმომდგარი აკაკი ბაბუაჩემის
წინაპართა ვინაობით დაინტერესებულა.

რვა შვილი ჰყავდა ბაბუაჩემის მამას
რამაზ გოცირიძეს, ხუთი ქალი და სამი ვა-
ჟი. ვაჟებს ქუთაისის გიმნაზიაში ასწავლ-
იდა, ქალები თავის დროზე დააბინავა და
პატრონს ჩააბარა.

რამაზ გოცირიძის სამი ვაჟიშვილიდან

სოფელში არც ერთი არ დარჩენილა. წი-
ნაპართაგან დაგვიტოვა დ წვალებით შექმნი-
ლი მეურნეობა დაკნინდა. ფუძის მოშლამ
ცხოვრების წესიც მოშალაო თითქოს და
აკაკის ზნეობა და ხასიათი გაამრუდა.

აკაკის სტუმრობის დროს ბაბუაჩემი
ონის ნოტარიუსი იყო. სამი ვაჟი და ორი
ქალიშვილი ჰყავდა. სამი სახლი ააშენა
ონში. ფიქრობდა, აქვე დაეცახლებ გვა-
რის გამგრძელებელ ვაჟაკებსო. მაგრამ
არ გაუმართლა. ხუთივე შვილი თბილის-
ში წავიდა. ასე რომ, რაჭველების გადა-
სახლებას სოფლიდან ქალაქში იმდროიდან
დაედო სათავე და მომავალში უფრო გა-
იშალა.

გულმა უგრძნო თუ რაა, არ ვიცი, იმ
დილას მგოსანს რომ მოულოდნელად უქ-
ითხავს დათასათვის, მთის რაჭა რა დღე-
შიაო? — აქეთ უცხო ტომს არ აჰაჰანებენ
და მამისონის იქით კი თვითონვე გადადი-
ანო, — უპასუხნია, თურმე ბაბუაჩემს.

აკაკი ღრმად ჩაფიქრებულა და მანამ-
დე გუნებაგახსნილ მგოსანს უეცრად მო-
უწყენია.

იქნებ დღევანდელი დღე თვალნათლივ
დაინახა დიდმა მგოსანმა?..

რამაზ გოცირიძე

„საგუგლო, საგუგლო, ჩემო ლაქაჯო...“

იღვრება რადიოდან მელოდითი ჰანგები და გულს სითბოთი ავსებს. განსაკუთრებულია ეს სიმღერა. ჩემთვის ის არა მარტო სიმღერაა, არამედ...

ომისწინა წლებში ყველა სკოლა საზეიმო დემონსტრაციისათვის ემზადებოდა. რამდენიმე დღით ადრე იწყებოდა ფეხშეწყობილი რეპეტიცია.

„მუშტაიდის“ ბალის გვერდით მდებარე სკოლა საკუთარი სასულე ორკესტრის აკომპანიმენტით მიემართებოდა მტკვრის მარჯვენა სანაპიროზე, ხოლო უორკესტრო სკოლები ფიზკულტურის მასწავლებელთა „ერთი, ორი, სამის“ ძახილზე სკიმავენდნენ ფეხს.

ერთ მშვენიერ დღეს შეკრების მოლოდინში მყოფი ბავშვები წრედ შემოერთდნენ

სკოლის მუსიკოსებს. ორი მეათეკლასელი ერთმანეთს ეჯიბრებოდა საყვირებზე მელოდის შესრულებაში.

პირველის „დაისის“ უვერტურას მეორემ „ქეთო და კოტეს“ „წავიდეთ ჩქარა, წავიდეთ ჩქარათი“ უპასუხა. „აი-დას“ საზეიმო მარში ბიზეს „ყარაულთა ცვლის“ მელოდიაში შესცვალა „კარმენიდან“.

მასწავლებელთა მცირერიცხოვანი ჯგუფიც იქვე შორი-ახლოს იდგა და ხმადებლა საუბრით გართული ცალი ყურით უსმენდა ახალგაზრდებს.

მაგრამ აი გაისმა ახალი, ბავშვებისათვის უცნობი, მაგრამ უცნაურად მშობლიური მელოდის ფორტე და წამოჭარხლებული სასწავლო ნაწილის გამგე დამკვრელთან მიიჭრა:

— რას აპრუტუნებ, შე გა-მოთაყვანებულო?! ვინ მოგცა

ნება, ან ვინ გასწავლა ეგ მელოდია?!

— ქართული ფანტაზიაა, მასწ...!

— გააფანტაზიებ მე შენ, თუ მშობლები გაგიციმბირეს და ზედ შენი აღმზრდელი მასწავლებლებიც მიგაყოფეს.

— დედა, დედა, რატომ არის აკრძალული ეს სიმღერა?

— აბა რა გითხრა, შეილო?!

— შენგან რომ არ გამიგია ეს სიმღერა?

— სამაგიეროდ იმ ვილაც ვილაცებმა მამაშენისგან გაიგეს „ქართველო ხელი ხმალს იკარო“ და მონანიება მოსთხოვეს. ის კი შეეპასუხა: მამ „ვაპ ტიკო-ტიკო, ჯან ტიკო-ტიკოს“ ხომ არ მოვასმენინებდი სტუმრებსო. იქნებ გაიხსენო, სამი წლის ბიჭი როგორ

დამყავდი გორის ციხეში მამის სანახავად. კიდევ კარგი, რომ ლენინგრადის სამხედრო სასწავლებელში გამოუძახეს. როგორც კარგ სპორტსმენს და ორ თვეზე მეტი არ მოუხდა საკანში ყურყუტი, მაგრამ ამ ორი წლის წინათ მაინც გაუხსენეს ძველი „ცოდვები“ და პარტიიდან გარიცხეს.

პარტიიდან გარიცხული კი სამამულო ომის დაწყებისთანავე წავიდა მოქმედ არმიაში. გაუჭირდა ქვეყანას, ხალხს, უფროსკლასელებიც კი ჩაებნენ შრომაში. ქარხანა-ფაბრიკებს იმდენი ხალხი მიესია, რომ ღამის ცვლაშიაც აღარ დარჩა თავისუფალი ადგილი.

ამხანაგებთან ერთად ჩვენი ნაცნობი ბიჭიც მოეწყო მოზარდ მაყურებელთა თეატრში სცენის მუშად. თეატრი მათი სახლის გვერდით იყო. მუშაობა ძირითადად საღამომით

ჭაჭაქის ავტორიჭგებში

ზაი თარგმნისაგან

ამმალღებელი ხალხისა თვით ამალღდება ცათამდე.

ან მოჰკლავს, ან შეაკვდება, სირცხვილს კი არ სჭამს გმირიო!

არ ჰყოფნა სჯობს მაშინ ყოფნას, როცა მეფობს მრუდე ძალა!

არა, არ ჰშვენიის გმირს აჩქარება.

მარტო ცრემლები ქვეყნისთვის საშველად არა კმარაო!

მტერი არ შეგვიშინდება ვაგლახითა და ვიშითა.

პატარა ნაპერწკალი სჯობს დიდს, მაგრამ ცივსა ნახშირსა! რკინას ცეცხლი აფოლადებს, ადამიანს — განსაცდელი.


სიმართლე მუდამ თავისას გასჭრის.

ფუ! შერცხვეს კაცი სხვის მონა და დღიურ ლუკმის მდევარი!

ქვეყნის ორგული რომ არ დაზოგოს, ყოველ კაცსა აქვს ამის უფლება.



პუშკინი (აქტი) — ჩა შეგნობა, პოეტი? მღწი... შენი პოეტის ქართულ თავმან კობილია და ენა პოეტის.



უწყვედათ. სწავლაში ხელი არ უშლებოდა.

და აი, ერთხელ მოხდა ისე, რომ თეატრი ზღვისპირა პოსპიტლებისათვის კონცერტების ჩასატარებლად გაემგზავრა, თავისი სცენა კი დიმიტროვის ხელმძღვანელობით საგასტროლოდ ჩამოსულ საესტრადო ორკესტრს დაუთმო.

დიმიტროვი ჩამოსვლის პირველივე დღეს ესტუმრა თეატრს და ვინაიდან დირექციიდან არავინ დაუხვდა, ტექნიკურ პერსონალთან ერთად დაათვალიერა სცენა და სხვათა შორის იკითხა:

— როგორ ფიქრობთ, ბიჭებო, რომელი ქართული პოპულარული მუსიკა შეიძლება შევიტანოთ რეპერტუარში?

ძალიან ცდილობდნენ მასპინძლები სტუმრის წინაშე თავისი მუსიკალური ცოდნა გაემჟღავნებინათ. მაგრამ გამომცდელი უაღრესად მომთხონი გამოდგა.

თეატრში ერთი მოხუცი მუშაობდა, გვარად ზარდალი-შვილი, ცნობილი მსახიობის იუზა ზარდალიშვილის ახლო ნათესავი. ახალგაზრდების წვლების შემხედვარე მოხუცი უცბათ წელში გაიმართა, თვლები ახალგაზრდულად აუელვარდა და თანამშრომლებს შეუტია:

— აი თქვე დაბნეულებო, თქვენა. ესტრადაზე „ახ მე-ზურნე დაჰკა, დაჰკა, შენი ჭირიმეს“ რომელი სიმღერა აჯობებს კარგი ორკესტრის შესრულებითო.

დიმიტროვმა ყურადღებით მოისმინა სიმღერის ფრაგმენტები და იკითხა, თუ სად შეიძლება ნოტების სასწრაფოდ შოვნა.

ამის მოგვარება ისევ ბიჭებმა იკისრეს. თოჯინების თეატრში მათ ნაცნობი ახალგაზრდა მუსიკოსი ჰყავდათ, რომელიც ცოტ-ცოტას კომპოზიტორობდა კიდევ, ხოლო მისი სიმღერა „გეკითხები, რად მიყვარხარ“ პოპულარობითაც სარგებლობდა.

დიმიტროვმა მეორე დღესვე მიიღო ხელით დაწერილი „ქართული რაფსოდის“ ნოტები, სამ დღეში მოასწრო მისი რეპეტიცია და გამოსვლის მეოთხე დღეს ანშლაგური კონცერტებიც ჩაატარა.

და აი შუა გასტროლების დროს დიმიტროვი თეატრის დირექტორთან გამოიძახეს, სადაც მას ორი უცნობი ელოდებოდა.

იქედან დაბრუნებულმა ბიჭები გვერდით გაიყვანა და ჩუმად დატუქსა:

— არ ვიცი, რად დაგვირდათ ჩემთვის ასეთი ოინის მო-

წყობა. კიდევ კარგი, დროზე ვიგრძენი რაღაც კრიმინალის სუნი და მახეში არ ვაგები, თორემ მანდატთან ერთად ან თავს დავკარგავდი, ან თქვენ დაგლუპავდით.

პირდაღებული ბიჭები ბოთეებივით შეჰყურებდნენ.

ის სიმღერა იმ საღამოს ამოიღეს პროგრამიდან. ის კი არადა, იმ ორიდან ერთ-ერთი კონცერტსაც კი დაესწრო. გამხდარი და ოდნავ ფერმკრთალი ახალგაზრდა მირთმეულ სკამზე დაჯდა კულისებში, შინელი გაიხადა. მკერდზე მდალსა და მძიმე დაჭრილობის ნიშანს მოგვარი თვალი.

ყველა ნომერი ნორმალურად მიდიოდა, მაგრამ გვაუწყა თუ არა პროგრამის წამყვანმა კონცერტის დამთავრება, დარბაზში ვიღაცამ ხმამაღლა შეიძახა:

— ქართული რაფსოდია!.. ქართული რაფ-სო-დია!..

— ქართული რაფ-სო-დია. აქუხდა დარბაზი.

დიმიტროვმა თავი დაუკრა მაყურებლებს, კულისებში გავიდა, ცხვირსახოცი თფლი მოიწმინდა და ნაფრონტალს შეხედა.

— მეგობარო, — მიმართა მას მედალოსანმა, — წითელი ბილეთი მეც მიღვეს გულისჯიბეში და როგორც კოლეგას,

ისე გთხოვ, შეასრულო ხალხის ნებასურვილი. გამარჯობა! ბი, მეც ძალიან მსურს... რათა ეგ რაფსოდია. მისი მოსმენა, ჩემი ქართველობის მიუხედავად, პირველად მომიხდება დღეს.

მერე კი დიმიტროვმა „ბისზე“ გაიმეორა „რაფსოდია“ ბრძოლის პირველსავე დღეებში მძიმედ დაჭრილი და ლაზარეთიდან სულ ახლახან დაბრუნებული კოლეგის პატივსაცემად.

დილის ექვს საათზე საქართველოს რადიო მსოფლიოს უგზავნის თავის საფირმო მელოდიის მონო-სიგნალს.

— „სამშობლო, სამშობლო, ჩემო ლამაზო!“ — ხალისიანად ვაყოლებთ ხმას რადიო-აკომპანემენტს. ის ჩვენთვის არა მარტო სიმღერაა, არამედ ჩვენი ცხოვრების თანამოზიარე, მშობლებისა და წინაპრების, კეთილი აღამიანების გამხსენებელი, სხვა სიმღერებში გამორჩეული და განუმეორებელი, სასტიკად დევნილი, გასამართლებული, დასჯილი, დაფერფლილი, მაგრამ მშობლიური ხალხის სითბოთი ისევ გაცოცხლებული...

გოდარძი ტალახაძე

ნაკვეთები

ერთი ახალგაზრდა ქართველი კონტაობით სათვალეს ატარებდა და ხანდახან შუბლზე იდებდა ხოლმე.

— ბატონო აკაკი, რა მიზეზია, რომ ის ყმანვილი შუბლზე იდებს ხოლმე სათვალეს და არა თვალზეო? — შეეკითხა ერთი.

— იმიტომ, რომ ჭკუით არის ბეცი და არა თვალებითაო, — მიუგო აკაკიმ.

აკაკი ერთ ოჯახში სადილზე იყო მიწვეული. თეთრ ღვინოს სვამდა. ვიღაცამ იკითხა, თეთრი ღვინო სჯობს, თუ წითელი.

პოეტმა წითელი ღვინო დაისხა და რომ არ მოეწონა, თქვა:

— სადილობადის ეს ღვინოც თეთრი ყოფილა, მაგრამ სირცხვილით განითლებულაო.

ერთმა ახალგაზრდამ მიახარა აკაკის, საყმანვილო წიგნი მინდა გამოვცეო.

— საყმანვილო წიგნი ვანა ბავშვმა უნდა გამოსცესო? — დაეკითხა პოეტი.

ერთი კბილის ექიმი ცუდად იხსენებდა აკაკის. გადასცეს მგოსანს. მან ღიმილით დაიხყო:

— ნეტა, რა დამიშავებია იმ ყმანვილისთვის? ალბათ იმაზე მემდურის, რომ სალი კბილები მაქვსო!

ერთი ნაცნობი შეეკითხა აკაკის, როგორ მოვიქცე, რომ არც მწვადი დაწვავა და არც შამფურიო?

— ეგ ქუთაისის ბანკს უნდა ჰკითხოთ, რომელიც ამდენი ხანია კიდევ მაძლევს ვითომ პენსიას და არც მაძლევსო.

ქუთაისში ერთსა და იმავე დროს მსახურობდნენ პრინცი, ბეგი და კნიაზევი. იმ ხანებში გუბერნატორმა ჰკითხა აკაკის: რა აზრისა ხარ ჩემს გუბერნიაზეო?

— დიდი არისტოკრატიული გუბერ-

ნიაა, — მიუგო აკაკიმ. — აქ სამსახურში ამნესებენ პრინციებს, ბეგებს, კნიაზებს და სანყალი ქართველებისათვის კი ადგილი აღარ რჩებაო.

ერთი ახალგაზრდა ქალი, რომელიც ძალიან მოსწონდა აკაკის, გათხოვდა და გაიტაცა სიმდიდრემ. ერთხელ მას აკაკი შეხვდა და თავი აარიდა. ქალმა მოაგონა თავი.

— უკაცრავად, თუ ველარ გიცანიო, — უთხრა პოეტმა. — ადრე თავში გქონდათ ოქრო და ახლა გარეთ გამოგვლიათო.

ქალს თმაში ოქროს სავარცხელი ეკეთათა.

აკაკი დალაქთან შევიდა თმის გასაკრეჭად. დალაქი ერთ მელოტს თავს დასტრიალებდა. მელოტს დალაქმა ორი აბაზი გამოართვა. აკაკიმ ქუდი დაიხურა და გარეთ გამოსვლა დააპირა.

— სად მიბრძანდებით, ბატონო?

— თუ მელოტს ორი აბაზი გადაახდევინე, მე მაშინ მთელი საცხოვრებელი უნდა მოგცე ჩემი თმის გაკრეჭვაშიო.

ამოკრება ღვინო ბუზუპაშვილმა.

საქ. სსრ კ. მარქსის სახ. ხაბ. რესპუბ. ანთროპოლოგია

1937

ქვეყნი საღმრთლო

ი

აშინმა მიამბო, როგორ მივიდა ფადევეთან, რომ პრიშვინისათვის სტალინური პრემია მიენიჭებინათ. სხვათა შორის, პრიშვინი ერთ-ერთი საუკეთესო რუსი მწერალია.

— ნუთუ მას სურს? — გაიცინა ფადევემა.

— სურს. ყველანი ადამიანები ვართ... მაშინ უკვე სერიოზულად უთხრა ფადევემა იაშინს:

— შენ არაფერი გესმის ლიტერატურული პოლიტიკისა.

მაშ ასე, ლიტერატურული პოლიტიკა! სტალინური პრემიის მეშვეობით ლიტერატურა კი სახელმწიფოსათვის სასურველ კალაპოტშია მომწყვდეული! გრიბაჩევის პრემირებული საკოლმეურნეო პოემები რომ არ ყოფილიყო, შეიძლება ბაბაევსკის არ დაეწერა „ოქროს ვარსკვლავის კავალერი“. „ოქროს ვარსკვლავის კავალერის“ გარეშე, შეიძლება ე. მაღაცევეს არ დაეწერა თავისი რომანი (ან პირიქით), ასევე იაშინსაც თავისი „ალენ ფომინის“...

თუ სახელმწიფო „საუკეთესო“ ლიტერატურაზე ზრუნავდა, რატომ არ მისცეს პრემია პრიშვინს, პაუსტოვსკის, მარტინოვს, ზოშჩენკოს, ახმატოვას, პასტერნაკს... იმიტომ, რომ საუკეთესოთა წახალისება, სახელმწიფოს აზრით, უაზრობაა. რაც შეუძლიათ, იმაზე უკეთ მწერალი ხომ მაინც ვერ დაწერს. წახალისო თუნდაც საშუალო, უფერული ნაწარმოები, მაგრამ შენთვის სასურველი, ამაში დიდი აზრი დევს. ამგვარად, ლიტერატურა ჩაჭედვლილი სახელმწიფოსათვის სასურველ კალაპოტში.

გერმანიაში გამგზავრების წინ (მე არ ვიცი გერმანული ენა) გადავწყვიტე რუსულ-გერმანული სასაუბროთი შევიარაღებულიყავი. ხომ უნდა არსებობდეს ასეთი სასაუბროები, ვფიქრობ ჩემთვის, გადაშლი საჭირო გვერდზე, იპოვი სასურველ ფრაზას. გვერდითაა იგივე ფრაზა გერმანულად. ძალიან მოსახერხებელია, არა? „როგორ მივიღეთ უახლოეს რესტორნამდე?“ „ტაქსის გაჩერებასთან?“ „უახლოეს ეკლესიამდე?“ „მე ბავარიულ ლუდს ვამჯობინებ“. „მადლობთ. თქვენ ძალიან თავაზიანი ხართ“... სასაუბროს შოვნა არ აღმოჩნდა ადვილი საქმე. ერთმა ჩემმა ნაცნობმა საგარეო საქმეთა სამინისტროს ბიბლიოთეკაში მიშოვა და გადმომცა მაშინ, როცა გზაზე ვადექი. და აი, კვლავსი ქუჩებში დიდი მონდობებით ვფურცლავ წიგნს: „რომელ პროფკავშირულ ორგანიზაციაში ირიცხებით თქვენ?“ „როგორ იბრძვით თქვენი უფლებებისათვის?“ „მონაწილეობთ თუ არა გაფიცვებში?“ „რომელ გადასახადებს იხდით“.

ლენინგრადელმა მწერალმა და ლიტერატურათმცოდნემ ვლადიმერ ნიკოლოზის ძე ორლოვმა მომიხსრო, როგორ ჩაეწერა პირველად ლიტფონდის ექიმთან მიღებაზე. ექიმი დაწვრილებით ჩაეძია მომავალი პაციენტის ავადმყოფობის ისტორიას, უფრო სწორად, პირადი ბარათის ზედმიწევნითი სიზუსტით შევსებას. გვარი, სახელი, ასაკი, გადატანილი დაავადებები... და უცებ კითხულობს:

— როგორია თქვენი დამოკიდებულება ალკოჰოლთან?

— იცით რა, სადილის წინ მიყვარს ერთ-ორი სირჩის გადაკვრა. ბევრი, რა თქმა უნდა, არა. მაგრამ ერთი-ორი სირჩა მაღისათვის. თვითონ საუზმე განგაწყობს ამისათვის... კომბოსტოს მწნილი, ქაშაყი...

— და ასე ზწირად?

— ხომ გეუბნებით, სადილის წინ ერთი-ორი სირჩა...

ერთხელ, ექიმთან მორიგი ვიზიტის დროს (შეიძლება რამდენიმე წლის შემდეგ), მოხდა ისე, რომ ექიმი წუთით კაბინეტიდან გავიდა. ავადმყოფობის ისტორია კი მაგიდაზე იდო. ვლადიმერ ნიკოლოზის ძეს წასძლია ცნობისმოყვარეობამ — რა ჩაწერა ექიმმა ავადმყოფობის ისტორიაში სადილის წინ ერთი-ორი სირჩის გადაკვრის თაობაზე. მან ქურდულად ჩაიხედა რვეულში და საჭირო გრაფაში დაინახა:

„საყოფაცხოვრებო ალკოჰოლიზმი“.

აი, თითქმის ოთხმოცი წელია ჩვენ გვასწავლიან, როგორ არ უნდა გვიყვარდეს საკუთარი ისტორია, კულტურა, ერი. თავიდან ეს შოვინიზმად ინათლებოდა. შემდეგ (რაკი რუსი ხალხი მცირერიცხოვანი გახდა, და სხვა მცირერიცხოვანი ერებიც უნდა გადაეჩვიონ საკუთარი ისტორიისა და კულტურის სიყვარულს) ის უკვე უბრალოდ ნაციონალიზმად მონათლეს. შოვინიზმად და ნაციონალიზმად დაყოფის გარეშე. საკუთარი ისტორიის, კულტურის, ერის, მიწის სიყვარული უპირისპირდებოდა ინტერნაციონალიზმს. როგორც კი ადამიანი ხმამაღლა განაცხადებს: „მე რუსი ვარ“, „მე უკრაინელი ვარ“, „მე სომეხი ვარ“ და ამით ვამაყობ, ის მაშინვე ნაციონალისტი, რომ განაცხადო, რუსი ვარ (ან ქართველი, ბელორუსი), ისიც კი არ შეიძლება. მითუმეტეს არ შეიძლება სიამაყე შენი ეროვნულობით. ეს უკვე სუფთა ნაციონალიზმია. არადა, ჩვენ ყველანი ვინა ვართ? არა ქართველები? არა რუსები? არა ბელორუსები? უბრალოდ, ინტერნაციონალისტები ვართ და მეტი არაფერი? ჩვენ უნდა გვიყვარდეს ეთიოპელები, კამპუჩიელები, კუბელები, რომელიც გნებავთ ხალხი, მხოლოდ არა საკუთარი ერი და საკუთარი თავი. შეიძლება მართლაც არასაკადრისი საქციელია საკუთარი თავის სიყვარული? და საერთოდ, რა გრძნობაა ეს

სამშობლოს სიყვარული. პატრიოტიზმი? თანდაყოლილია ის თუ სასიკეთო შენაძენი. თუ სასიკეთო შენაძენია, მაშინ შეიძლება შეაგუო. გარდაქმნა ხალხი და ყველანი ინტერნაციონალისტები იქნებიან.

მაგრამ განა სხვა ხალხის სიყვარულმა უნდა გამორიცხოს შენი მშობლიური ხალხის სიყვარული? განა სინამდვილეში ეს ორი გრძნობა ერთმანეთს არ ავსებს?

ავიღოთ ორი მაგალითი. ქუჩაში მიდის მამაკაცი და უცებ დაინახა. წინ ხანძარია. ყვირიან. დარბიან. დაჭკრიან. სხვათა შორის, ყვირიან. რომ აღმოვებულ სახლში ბავშვი დარჩა. მამაკაცი (თუ ის მამაკაცია) და ზოგიერთი ქალი („გაქმდევილენ ცენს შეაჩერებს. აღმოვებულ ქოხში შევა“), შევარდნა ცეცხლში და ბავშვს გადაარჩენს. განა ფიქრობს იმ მომენტში მშველელი, რომელი ეროვნებისაა ბავშვი? ნუთუ ის ასე იტყვის: „ოხ, პატარა თურქი იწვის? დაე დაიწვას. მეტი საქმე არა მაქვს. ვილაც თურქი ბავშვისათვის ცეცხლში შევიდე...“ ადამიანის მიმართ ასეთი რამის ვარაუდი დაუშვებელია. ამის მთქმელი ნამდვილად ნაციონალისტი და შოვინისტი იქნებოდა. კიდევ უფრო უარესი იქნებოდა, ერთი-ორი თურქიც რომ გაემეტებინა ცეცხლში ჩასაგდებად.

არა, ადამიანი სულის სიღრმეში ინტერნაციონალისტია. მაგრამ ასეთივე სიძლიერითაა იგი გაუტენთილი ნაციონალური ეგოიზმით.

ახლა გადავიდეთ მეორე მაგალითზე. მიდის კაცი ქუჩაში და უცებ ესმის ყვირილი: — ბავშვი გაჭყლიტეს. ბავშვი!

კაცი გარბის შემთხვევის ადგილისაკენ და ხედავს. მართლაც ბავშვი გაუჭყლიტეთ. თავშეყრილმა ხალხმა ივიშვიშა. ზოგმა იტირა კიდევაც. შემდეგ ყველა თავ-თავის გზას გაუდგა. ჩვენი კაცოც წავიდა. სახლში შინაურებს უამბობს ქუჩაში მომხდარი საშინელი შემთხვევის ამბავს. მაგრამ მან რომ მიიბრინა იქ, და ღმერთმა დაიფაროს, მაგრამ იმ ბიჭის ნაცვლად თავისი შვილი ან შვილიშვილი დაენახა? რას იზამდა მაშინ? იგივე ზემოქმედებას მოახდენდა მასზე ეს საშინელი ამბავი? ამ ორ შემთხვევას შორის ნუთუ არავითარი სხვაობა არ იქნებოდა. და ამას ჩვენ არაბუნებრივად არ ჩავთვლიდით?..

„შვილებსათვის სიმდიდრის დაგროვების სიყვარული არის საბაბი საკუთარი სიხარბის დასამალავად“.

დემოკრიტიკა



ადამიანის ყოფნა-არყოფნის, სიკვდილის საიდუმლოების დაძლევა სუნთქავს შუამდინარული ეპოსი „ვილგამეშიანი“. კაცობრიობის პირველი დიდი წიგნის გოდება სიცოცხლის ხანმოკლეობაზე დარღია. მითებიდან თავდაუღწეველი შუამდინარული ფანტაზია შეეცადა, მიეკვლია ღმერთებისაკენ მიმავალი გზა. ვილგამეში ეძებს საიდუმლოებას, რომ ადამიანებს ბედნიერება მოუტანოს. მისი მიზანი მიუღწეველი დარჩა, მაგრამ გარჯა ამაოდ არ დაკარგულა.

ქვესკნელიდან დაბრუნებული ენქიდუს სული ვილგამეშს ვააცნობს იმქვეყნიურ სამყაროში მოხვედრილთა ცხოვრებას. ენქიდუს მონათხრობით, ქვესკნელი სულის საწამებელია, მაგრამ ყველას სული არ განიცდის წამებას. შუამდინარულმა სიბრძნემ დაუშვა გამონაკლისი. იგი ქადაგებს, რომ ადამიანში არის უკვდავების საიდუმლოება, თუმცა ეს უნარი მას გაცნობიერებული არა აქვს. ქვესკნელის მკვიდრთა ბედით დამწუხრებული ვილგამეში სვამს კითხვებს, ენქიდუ უპასუხებს:

„ვინც ერთი ძე შვა, თუ ნახე?“ — ვნახე.
ქვესკნელში ხმელა პურს შეექცევა“.

„ლაქოთაჲს სიასლოვით ნაზარაჲს“

ქვესკნელი
გიგლიოთქან

გრანი ქავთარია

ვინც სამი ძე შვა, თუ ნახე? ვნახე.
ქვესკნელში მხოლოდ წყალსა სვამს იგი“.
„ვინც ოთხი ძე შვა, თუ ნახე?“ ვნახე.
სასმელ-საჭმელით გულს იხარებს“.
„ვინც ხუთი ძე შვა, თუ ნახე?“ ვნახე.
კარგი მწერალივით შიშველი მკლავი აქვს,
დიდი პატივით შედის სასახლეში“.
„ვინც ექვსი ძე შვა, თუ ნახე?“ — ვნახე.
გუთნისდევდასავით უხარის გული“.
ვინც შვიდი ძე შვა, თუ ნახე?“ — ვნახე.

ღმერთებთან სიასლოვით ნეტარებს“.
(წ. კიკნაძის თარგმანი)
ქვესკნელის აღწერა მთავრდება იმ სულთა ხვედრის გადმოცემით, რომელთაც ამ ქვეყნად არავინ დაუტოვებიათ:
„ვის სულსაც მზრუნველი არა ჰყავს, თუ ნახე?“ — ვნახე.
ჰამს კერძის ნარჩენებს, ქუჩაში გადაყრილს“.
შუამდინარულმა ფანტაზიამ შვილთა სიმრავლე უკვდავებას გაუთანაბრა. ქვესკნელის ბინადრები შვებას მასში პოულობენ.

წერა შეიძლება სანთლების შუქზე, ნავთის ლამპის შუქზე, ელექტრონათურის შუქზე, მაგიდის ელექტროლამპის შუქზე, კრაქის შუქზე, უბრალოდ, დღის შუქზე (სჯობს შუქი მარცხნიდან ეცემოდეს). ოლეგ მისხილოვმა კი თქვა ივან შმელიოვის შესახებ, რომ ის სახარების შუქზე წერდა.

არ ვიტყვი ბევრჯერ-მეთქი, მაგრამ საერთაშორისო ავიახაზით მაინც მიფრენია. უპირატესად, რა თქმა უნდა, აეროფლოტი. მგზავრები ძირითადად მიფრინავენ ეგრეთწოდებულ „ეკონომიური“ კლასით, ესე იგი, ჩვეულებრივად. მაგრამ, თურმე, არსებობს კიდევ პირველი კლასიც — განსაკუთრებული ნაკვეთური თვითმფრინავის ფიუზელაჟში. აქ სავარძლები თავისუფლად და განლაგებული, ერთიმეორისაგან საკმაოდ დაშორებული. საერთოდ მგზავრებს სპირტიანი სასმელები ეკრძალებათ (თუმცა შეიძლება მათარა ჩუმად დააძრო უკანა კიბიდან).

სამაგიეროდ, პირველი კლასის სალონში, სადაც ჩვეულებრივ სამი-ხუთი ადამიანია, სტიუარდესები ლანგრით ვთავაზობენ: რას ინებებთ? კონიაკი, არაყი, ვისკი, შამპანური, უბრალო ღვინო, ლუდი? ერთ სირჩას შესვამ და გგონია, შენი დოზა მიიღო, რომ სტიუარდესა უმალ გაჩნდება ბოთლით ხელში და ჰქიქას ისევ ბოლომდე შეგვისებს.

პირველი კლასით აეროფლოტის თვითმფრინავში ორჯერ ვიმგზავრე, ორჯერვე შემთხვევით. ერთხელ მიხალკოვმა წამომიყვანა, როცა სოფიიდან მოსკოვში მოვფრინავდით. მეორედ, სტოკჰოლმიდან გამომგზავრების წინა დღეს შეხვედრა მქონ-

და ჩვენს საელჩოში თანამშრომლებსა და სავაჭრო წარმომადგენლებთან. შეხვედრას დაესწრო აეროფლოტის წარმომადგენელიც.

მას მოეწონა ეს შეხვედრა. ერთ-ერთ დიპლომატთან ვახშამიც კი გამიმართეს — გაუმასპინძლდნენ მოსკოველ ლიტერატორს. აეროფლოტის წარმომადგენელიც ესწრებოდა ვახშამს. ყოველივე ამის შემდეგ მან ჩემს ბილეთს რაღაც ბუქედი დაუტოვა (თუ წითელი ქალაქი მიაშავრა) და მე აღმოვჩნდი პირველი კლასის მგზავრი.

რამდენჯერმე მომიხდა მგზავრობა უცხოეთის ავიაკომპანიის თვითმფრინავით (მაგალითად, „ლიუფტგანზი“, თუნდაც „ეირფრანსი“). ახლა არ შემიძლია ვთქვა, არის თუ არა ამ თვითმფრინავებში პირველი კლასი. თუა, მაშინ ეს მხოლოდ ფულის საქმეა, გადახდად ორჯერ მეტი და ინებე პირველი კლასი. ჩვენთან კი ეს დიდგვაროვან-ჩინოვნიკური კიბის საკითხია, პრესტიჟის საქმეა. ყველაზე არ გააყიდო პირველი კლასის ბილეთს. უფრო სწორად, არავისაც არ მიჰყიდო, გარდა იმისა, ვისზეცაა დაკანონებული.

და აი, ვზივარ შემთხვევით მოხვედრილ პირველი კლასის სალონში და ვფიქრობ: როგორი უპირატესობაა! სილაღე, სტიუარდესას განსაკუთრებული ღიმილი, განსაკუთრებული სასმელ-საჭმელი, განსაკუთრებული ატმოსფერო. და იქვე გონებაში გაივლივებს აზრი: რაიმე რომ მოხდეს... ვთქვათ, თვითმფრინავს ფრთა ჩამოტყდეს?... მაშინ? მაშინ ხომ აღარავითარი უპირატესობა აღარ შერჩება პირველ კლასს. თხლაშ! და ყველა თანაბარია.


ერთ ფიქრს მეორე მოჰყვება. და შემდეგ უეჭველად გაიფიქრებ: ჩვენს გლობალურ-კოსმოსურ ხომალდზეც, სადაც ერთნი ასე ცხოვრობენ, მეორენი ისე (ეს ეხება როგორც ცალკეულ ადამიანებს, ისე

მთელ სახელმწიფოებსა და ერებს), მოახლოებული ეკოლოგიური კატასტროფის წინაშე ყველა თანაბარი აღმოვჩნდებით. ბოლოსდაბოლოს, ყველას შანსი ერთნაირი იქნება — პრეზიდენტისა თუ უკანასკნელი „მუყაითი კაცისა“. მილიარდელისა თუ მათხოვრის, ერისა, რომელიც თავს ყველაზე მაღლა აყენებს, თუ ერისა, რომელიც თავს მდაბლად ხრის.

ვფიქრობ ასე და ვმშვიდდები.
შემთხვევით ერთი თანამედროვე პოეტის სტრიქონებს წავაწყდი:
ახლა მთავარია ღროულად წასვლა, წასვლა სანამ ღრიალებენ ტრიბუნები, და ახალგაზრდებისათვის გზის დათმობა, თუმცა ნახევარი სიცოცხლე წინაა...

ეს პოეტის შემთხვევით წამოცდენილი სიტყვებია. მართლაცაა, რატომ, რისთვის ან ვისთვისაა ეს მთავარი? რა თქმა უნდა, თუ საქმე მხოლოდ პირად ამბიციებსა და თავმოყვარეობას ეხება, მაშინ ხომ შეიძლება ტრიბუნებმა ღრიალი შეწყვიტონ, ან საერთოდ თავი დაანებონ აპლოდისმენტებს, ან სხვას მეტი ტაში და აპლოდისმენტი ერგოს, ვიდრე მე. მაშინ, რა თქმა უნდა. მაგრამ როგორ შეიძლება წასვლა და გზიდან ჩამოცილება, როცა სამშობლო გადასარჩენია და წინ კი კიდევ ნახევარი ცხოვრებაა. როცა ადამიანებს სიმართლეზე თვალთუწი აუხილო, როცა სული რეანიმაციის მოითხოვს და ტვინი გაღვინდება? ახალგაზრდები? განა, ახალგაზრდებმა იციან ის, რაც მე ვიცი? განა, ისინი იტყვიან იმას, რაც მე უნდა ვთქვა? ტრიბუნების ღრიალი? სასაცილოა! სიმართლის მთქმელს. ნამდვილი სიმართლისა, უფრო ხშირად აფურთხებენ და ქვებით ქოლავენ. ვიდრე ალტაცებული შეძახილებით ხვდებიან.

თარგმან აქთივან ჩხაიძემ.



ბერძენი მოაზროვნეები ადამიანის უპირველეს მოვალეობად შვილებს მიიჩნევენ. მათი განმარტებით, ბედნიერების მწვერვალი შთამომავლობის ზეიმი იყო და არა სიმდიდრის დაგროვება.

ბედნიერების გაგების კლასიკურ ნიმუშად „ისტორიის მამამ“, ჰეროდოტემ, მიიჩნია სოლონის სიტყვები, წარმოთქმული ლიდიის მეფის კრეზის სასახლეში.

პოეტი და პოლიტიკური მოღვაწე სოლონი, ათენში რეფორმების გატარების შემდეგ მოგზაურობას შეუდგა. მრავალ ქვეყანას გაეცნო, ბოლოს ლიდიას ეწვია. სოლონს, როგორც ბრძენს, ბერძნული სამყაროს გარეთაც იცნობდნენ. მისი აზრის მოსმენა და მასთან საუბარი ყველას აინტერესებდა. აღმოსავლეთის მონარქები სიამოვნებით ლებულობდნენ თავიანთ კარზე. ლიდაშიც ღირსეული შეხვედრა მოუწყვეს.

კრეზი დაინტერესდა, რა აზრისა იყო სოლონი მის სიმდიდრეზე. კრეზის ბრძანებით სოლონი დათვალადიერებინეს სამეფო საგანძურები. როდესაც ბრძანება შეასრულეს, მეფემ ჰკითხა: „ათენელი სტუმარო, ჩვენამდეც მოაღწია შენმა დიდმა სახელმა შენი სიბრძნისა და მოგზაურობების შესახებ, რომ შენი მეცნიერების სიყვარულით და დათვალადიერების მიზნით დაიარე მრავალი ქვეყანა. ახლა უნდა შეგეკითხო, მათ შორის, ვინც შენ შეგხვედრია, ვინ ნახე უფრო ბედნიერი?“ სოლონი უპასუხა: „ტელოსს ათენელი“. კრეზის გაკვირვებაზე, რატომ მიიჩნია უცნობი ტელოსს ათენელი ყველაზე ბედნიერად ადამიანთა შორის, სოლონი მიუგო: „ტელოსს... ჰყავდა კარგი და კეთილი შვილები. და ის მოესწრო იმას, რომ ყველა მის შვილს გაუჩნდა შვილები და ეს შვილები ყველანი ცოცხლები იყვნენ... ცხოვრების აღსასრული ბრწყინვალე ჰქონდა: როდესაც ათენელები მეზობლებს ებრძოდნენ ელევისში, იგი დაეხმარა მათ, მტერი გააქცია, და თვითონ ლამაზად მოკვდა“...

კრეზი: „ათენელი სტუმარო, ჩემს ბედნიერებას ისე არაფრად ავდებ, რომ ამ უბრალო ადამიანების დონეზეც კი არ მყეუენებ?“

სოლონი: „კრეზი! მე, რომელმაც ვიცი, რომ ყოველივე ღვთაებრივი შურით სავსეა და ადამიანთა შიშს იწვევს, შენ მეკითხები ადამიანთა ცხოვრების შესახებ? ... მე ვხედავ, რომ შენ უდიდეს სიმდიდრეს ფლობ და მრავალ ხალხზედაც ბატონობ, მაგრამ კითხვაზე შენი ბედნიერების შესახებ მე არ შემოძლია პასუხი, ვიდრე არ გავიგებ, რომ შენი სიცოცხლე ბედნიერად დასრულდა“.

ჰეროდოტეს თანახმად, სოლონის შეგონებანი კრეზმა სიბრძნეოდ ჩათვალა და ათენელმა ბრძენმაც, ყოველგვარ ყურადღებას მოკლებულმა, დატოვა ლიდა. სოლონის შეხედულება გამართლდა. ცოცხალი ადამიანისათვის ნაადრევია თავის ბედნიერად მიჩნევა. ლიდას სპარსეთი დაესხა თავს და უმდიდრესი მეფე ტყვედ ჩავარდა.

სოლონიმ ჩვეულებრივი ათენელი მოქალაქე, კარგი შვილების მამა, დააყენა ლიდიის მეფეზე მაღლა. მისი აზრით, ცოცხალი ადამიანი შემთხვევითობის სათამაშოა. სიმდიდრე არ ნიშნავს ბედნიერებას. კარგი შვილების აღმზრდელ ტელოსს ათენელს, განგებამ სიკვდილიც ლამაზი არგუნა. ბრძენი სოლონის წყალობით, ჰეროდოტემაც საკადრისად უკვდავყო მისი სახელი.

კლასიკური პერიოდის ბერძნულმა ფი-

ლოსოფიამ გააფართოვა საისტორიო თხზულებებში ასახული მოვლენები. პიროვნებას კანონის წინაშე უნდა დაკისრებოდა ოჯახის შექმნა და შვილების გაზრდა. ამ მხრივ განსაკუთრებული სისრულით გამოირჩევა პლატონი. დიდ ფილოსოფოსს სახელმწიფოებრივი ინტერესების უმაღლეს რანგში აქვს აყვანილი დაოჯახება, რაც ადამიანთა მოდგმის გაგრძელების აუცილებელი პირობა უნდა გამხდარიყო. პლატონის მოძღვრების თანახმად, ყველა ვალდებულია, დაქორწინდეს ოცდაათიდან ოცდათხუთმეტ წლამდე. ვინც კანონს არ დაემორჩილება, უნდა დაჯარიმდეს და ჩამოერთვას მოქალაქის უფლებები ამა თუ იმ ხარისხით. ამით შეივსოს, რომ ადამიანის მოდგმა თავისი ბუნებით უკვდავების თანახმად, რომლისკენაც სწრაფვა თანდაყოლილი აქვს თითოეულს. ვინც არ იზრუნებს იმაზე, რომ ჰყავდეს მეუღლე და შვილები, იგი განზრახ იყრის უფლებებს. ურჩი ვალდებულია, ყოველწლიურად, როგორც სასჯელი, გადაიხადოს გარკვეული თანხა, რომ არ ეგონოს, უცოლშვილო ცხოვრებას მისთვის შემსუბუქება მოაქვს. უშვილო პიროვნებას არ უნდა ჰქონდეს წილი იმ პატივში, რომელსაც ახალგაზრდები მიაგებენ უფროსებს.

პლატონის თეორიული მსჯელობა, პლუტარქესთან დაკული ცნობებით, პრაქტიკულად განხორციელებული ყოფილა. ლიკურგეს ბიოგრაფიაში იგი წერს: სახელოვან სტრატეგოსს დერკილიდეს, როდესაც შენობაში შევიდა, ერთმა ახალგაზრდამ ადგილი არ დაუთმო. მან თავისი საქციელი იმით გაამართლა, რომ „შენ ჯერ არავინ გაგიჩინია ქვეყანაზე, რომ შემდეგში მე დამითმოს ადგილი“. პლუტარქე იქვე აგრძელებს: „ლიკურგემ გარკვეული სასჯელი დაადო უცოლოებს. მათ აკრძალული ჰქონდათ გიმნობედიებზე დასწრება. ზამთარში კი, არქონტთა ბრძანებების მიხედვით, უცოლოებს ტანზე უნდა გაეხადათ და დედიშობილა მოედნის გარშემო ევლოთ. თან ემღერათ მათსავე წინააღმდეგ შეთხზული სიმღერა, რომელშიც ნათქვამი იყო, რომ ისინი სამართლიანად ისჯებიან, ვინაიდან არსებულ კანონებს არღვევენ“.

ბერძნული ოჯახის ყველაზე დიდი ზეიმი შვილის დაბადება იყო (განსაკუთრებით ვაჟის, როგორც სამშობლოს მომავალი დამცველის). ვაჟის დაბადების დღეს სახლის ფასადს ზეთისხილის რტოებით ამკობდნენ, რომ უცხოებსაც გაეგოთ ოჯახის ბედნიერების ამბავი.

ელინისტური ეპოქის ბერძნებში კვლავ სუნთქავდა კლასიკური პერიოდის მოაზროვნეთა იდეა: „ელინები აღემატებიან ყველა დანარჩენ ხალხებს“. მაგრამ, სიამაყე ფრთებშეკვეცილი იყო. დიადოხოსებმა და ეპიგონებმა საბერძნეთი არესის საასპარეზოდ გადააქციეს. ქვეყანა სისხლისაგან დაიკალა. დაიწყო რომაული ბატონობის ხანა. თუმცა ბერძენთა ამაღლებული სული მსოფლიოს კულტურის სათავეებს კვლავ ამაყად მეთაურობდა.

ბერძენი მოღვაწეები მტკიცეულად განიცდიდნენ პოლიტიკური სცენის დათმობას. საერთო ელინური სატიკვარი, მისი ტრაგიკული სახე დახატა დიდმა ისტორიკოსმა პოლიბიოსმა. ერთ დროს დამოუკიდებლობისათვის აქტიური მებრძოლი. ძვ. წ. აღ. II საუკუნის შუა ხანებისათვის შეგუებული იყო თავისი სამშობლოს ბედს. მისი ვარაუდით, მართალია. თავისუფლება დაიკარგა. მაგრამ ბოლო მოელო გაუთავ-

ბელ შინაომს და მშვიდობიანობა დამყარდა. ისტორიკოსს ასე სურდა, ~~როგორც~~ გამოსავალს ვერ ხედავდა. რომელიც მშვიდობას ელადა წელში უნდა გაეხერხებინა. ნამდვილში პირიქით მოხდა. ბერძნებმა უარყვეს წინაპრთა ტრადიციები. მათ სულში სულ სხვა ბუნების ადამიანი ჩასახლდა. დროებითმა ინსტიტუტებმა შეისრუტეს მარადიული და ამაღლებული გრძობები. ყოველდღიურ სიამოვნებაზე ფიქრმა აღარ დატოვა ადგილი სიმაღლის შესანარჩუნებლად. ელადამ დაიწყო საფესურებიდან დაშვება და საბედისწერო ზღვარს მიაღწია. პოლიბიოსს ყოველივეს სათავედ მოსახლეობის შემცირება და ადამიანთა გაფუჭსავატება მიჩანდა. მისი სიტყვებით, ელადის უდიდესი უბედურებაა ქალთა უშვილობა. ქალაქები გაუჟაკრიელდნენ, თუმცა არც ხანგრძლივ ომებს და არც მორაულ სენს ადგილი არ ჰქონია. ვინმეს რომ ერიჩია, მიგვემართა ღმერთებისათვის, თუ როგორ აგველორძინებინა ქალაქები და გაგვეხანდა ხალხმრავალი, ასეთ მრჩეველს სულელად მივიჩნევდით, ვინაიდან უბედურების მიზეზი ჩვენ ვართ და მისი აღმოფხვრაც ჩვენ შეგვიძლია. უბედურება იმაშია, რომ ადამიანები გაირყვნენ, გახდნენ პატივმოყვარენი, მხოლოდ ანგარებაზე ფიქრობენ. განებოვრდნენ და არ სურთ დაქორწინება, ხოლო თუ დაქორწინდნენ, თავს არიდებენ საკუთარი შვილების გამოკვებას. მრავალიდან მხოლოდ ერთს ან ორს იტოვებენ, რომ განზრდონ ისინი უფუფუნებაში და დაუტოვონ სიმდიდრე. აქედან მოკლე დროში მივიღეთ ბოროტება. ცხადი და გარდაუვალია, რომ ორი შვილიდანაც კი, თუ ერთს ომი ან ავადმყოფობა მოიტაცებს, სახლი ცარიელდება. ასეთ შემთხვევაში ღმერთი ვერ დაგვეხმარება. ხსნა ჩვენი ხელთ არის. თვითონვე უნდა გამოვასწოროთ საკუთარი დანაშაული. ყველაზე უკეთესია, კანონით დავავალოთ მშობლებს შვილების გაზრდა.


პოლიბიოსის შეგონებამ ვერ გამოასწორა ელადის დემოგრაფიული კრიზისი.

ანტიკური სამყაროს რომაული პერიოდი აგრძელებს ელინური კულტურის ამაღლებულ იდეებს. რომაელები ელინთა ღირსეული მოწაფეები გახდნენ.

რომაული ოჯახის მთავარ ამოცანას სამშობლოს დამცველი მოქალაქის აღზრდა შეადგენდა. დაპყრობითი ომების გაფართოებასთან ერთად იზრდებოდა მოთხოვნილება სრულყოფილებიან მოქალაქეზე, ოკუპირებული მიწების შესანარჩუნებლად. ძვ. წ. აღ. IV-III სს. რომის არმია ახერხებდა იტალიაზე მტკიცე ბატონობას. უფრო მეტიც, ამ არმიამ დაამარცხა მრისხანე მოწინააღმდეგე კართაგენი და ხმელთაშუა ზღვის მპყრობელი გახდა.

ხმელთაშუა ზღვის სანაპიროების დაპყრობის შემდეგ იგივე არმია ველარ უზრუნველყოფდა უზარმაზარ სივრცეზე ბატონობას. რომის სასიცოცხლო ინტერესები მოითხოვდა მოსახლეობის უფლებების გაფართოებას და მისი რიცხვის გაზრდას.

ანტიკურმა ისტორიოგრაფიამ რომის არმიის ძლიერების აღდგენის იდეა გრავისებების სახელს დაუკავშირა. რესპუბლიკის უკანასკნელი საუკუნის პოლიტიკური მოღვაწენი ბრძოლისუნარიანი მეომრის შემცირებაზე გოდებდნენ. გრავისებების აგარულ რეფორმას რომის ლეგიონების ბრძოლისუნარიანობის შესუსტება ასაზრდოებდა. მათ მოძრაობას ქვეყანაში შექმნილმა კრიზისმა მისცა ძირითადი ბიძგი.



გრაკუსების რეფორმები მნიშვნელოვან უპირატესობას ანიჭებდა მრავალშვილიანი ოჯახის მამას. მომდევნო პერიოდში გრაკუსების იდეას სერიოზული გამგრძელებლები გამოუჩნდნენ.

რომის მსოფლიო ბატონობის გაფართოებამ კიდევ უფრო მკვეთრად დასვა თავისუფალი მოსახლეობის გამრავლების საკითხი.

რომის თავისუფალი მოსახლეობის ინტერესებს ემსახურებოდა იულიუს ცეზარის მოქმედება. მან ჩვ. წ. აღ. 59 წელს სამ და მეტ შვილიან 20 ათას რომაელ მოქალაქეს სახელმწიფო მიწები დაუნაწილა.

რომის მოსახლეობის გამრავლებაზე განსაკუთრებული ზრუნვით გამოირჩეოდა იმპერატორი ოქტავიანე ავგუსტუსი. მისი სახელით გამოცემული კანონებში განსაზღვრული იყო: რომის მოქალაქე, რომელსაც ჰყავდა სამი შვილი, იტალიელს ოთხი, ხოლო პროვინციაში მცხოვრებს ხუთი, თავისუფლდებოდა გადასახადებისაგან და თანამდებობის მიღებისას სარგებლობდა უპირატესობით.

ავგუსტუსის როლი სპეციალური კანონების გარდა კარგადაა ასახული ანტიკურ მწერლობაში. პერიკლეს ბიოგრაფიაში პლუტარქე წერს: „ამბობენ, რომ ერთხელ ცეზარმა (იგულისხმება ავგუსტუსი — გ. ქ.) რომში დაინახა ვიღაც მდიდარი უცხოელები, რომლებიც უბეში ჩასმულ ლეკვებსა და პატარა მაიმუნებს ეფერებოდნენ. მან ჰკითხა, ნუთუ თქვენთან ქალები ბავშვებს არ შობენ? გამგებელის საყვარელი ღირსეული ამ სიტყვებით, მან რჩევა-დარიგება მისცა მათ, რომლებიც ცხოველებზე ხარჯავენ ბუნებისაგან მონიჭებულ სიყვარულისა და ალერსის მოთხოვნილებას, მაშინ როცა ის უნდა ეკუთვნოდეს ადამიანებს. მართლაც, რაკი ჩვენს სულსა და გულს შემეცნებისა და ჰერეტის უნარი ბუნებით შეუძენია, განა გონივრული არაა, გავკიცხოთ ის, ვინც ამ უნარს უღირს საგანთა ყურადღებისა და ჰერეტისათვის იყენებს და უგულვებელყოფს მშვენიერსა და სასარგებლოს? ჩვენი შეგრძნება გარეგანი ბიძგის მიზეზით იძულებულია, უჭკრიტოს ყოველ მოვლენას, სასარგებლოსაც და უსარგებლოსაც... საჭიროა უკეთესისაკენ მივიწრაფოდეთ, რათა არა მხოლოდ ვჰერეტდეთ მას, არამედ მისი ჰერეტიტა და აღქმით საზრდოსაც ვღებულობდეთ“. დიდი მორალისტი პლუტარქე ძერწავს არა მარტო რომის იმპერატორის სრულყოფილ სახეს, არამედ გვიხატავს ადამიანის ბუნებრივი მოვალეობის იდეალურ სურათსაც. ბუნებისაგან ბოძებული მადლი მასვე უნდა დაუბრუნდეს.

იმპერიის ხანაში შეიცვალა დამოკიდებულება მონებისადმი, რასაც თავისი ობიექტური მიზეზები ჰქონდა. დაპყრობითი ომების შემცირებამ, დაშრო მონობის მთავარი წყარო. იტალიის მეურნეობა მუშახელით შევსებას მოითხოვდა. ხელისუფლებამ მდგომარეობიდან გამოსავალი მონების ბუნებრივ გამრავლებაში იპოვა. თუ ადრე ამ საკითხს უმნიშვნელო ყურადღება ექცეოდა, აღნიშნულ ეპოქაში გადაწყვეტი როლი დაეკისრა. ეს კარგად ასახა რომაულმა მწერლობამ და კანონმდებლობამ, სადაც ხაზგასმულია მზრუნველობა მრავალშვილიან მონა ქალებზე. I საუკუნეში მცხოვრები მწერალი და აგრონომი კოლუმელა წერდა: მონა ქალი, რომელსაც ჰყავს სამი შვილი, ღირსია გათავისუფლდეს სამუშაოდან, ხოლო ვინც მეტი შობა, თავი-

სუფლებას იმსახურებსო. II საუკუნის რომაელი იურისტი გაიუსი „ინსტიტუციებში“ წერდა: ოთხი შვილის დედა მონა ქალი თავისუფლად უნდა გამოცხადდესო.

დემოგრაფიული საკითხის გამოსწორებას ემსახურებოდა I-II საუკუნეთა მიჯნაზე იმპერატორის ინიციატივით შექმნილი ალიმენტარიის სისტემა. სახელმწიფოს მიერ გაცემული სესხის ხუთი პროცენტი მის ამლებს უნდა შეეტანა ადგილობრივი ხელისუფლების სალაროში. ხელისუფლება ამ თანხას ანაწილებდა ობლებზე. სახელმწიფო ორგანოები ითვალისწინებდნენ როგორც კანონიერად, ისე უკანონოდ დაბადებულ ბავშვებს. ტრაიანეს დროს დახმარება მიიღო ხუთი ათასმა ბავშვმა.

რომაული ოჯახის სიწმინდისა და დიდების სამსახურში ქალები იდგნენ. რესპუბლიკის ეპოქაში უცხო იყო იმპერიისათვის ჩვეულებად ქცეული ოჯახური სიწმინდის დარღვევა. რომაული მწერლობა შარავანდელით ამკობდა ღირსეულ შვილთა აღმზრდელ ქალებს. იმპერატორების რომი ქედის მოხრით იხსენიებდა: გრაკუსების დედას კორნელიას, ცეზარისას ავრელიას და ავგუსტუსის დედას ატიას.

იმპერიის პერიოდიდან დაიწყო რომაული ოჯახის დეგრადაცია. თუმცა პირველ ხანებში, მორალური და ეთიკური ნორმების მოშლის გვერდით, იყვნენ წმინდა და ამაღლებული სულის ქალები, რომელთაც ამაყად შეეძლოთ გაემეორებინათ: სადაც შენ გაიუსი, იქაც მე გაია. მაგრამ ასეთი ქალების რიცხვი თანდათანობით კლებულობდა. დაეცა ოჯახის ბურჯის დედის მორალური სახე. ოჯახმა დაკარგა მასზე დაკისრებული ფუნქცია. კატასტროფულად შემცირდა ძველ რომაულ პატრიციულ გვართა რიცხვი. მათი ადგილი ლიბერტინებმა და სხვა გაურკვეველი წარმომავლობის მედროვეებმა დაიკავეს. გაბატონდა სიხარბისა და ძალის კულტი.

რომაული ოჯახის გადაგვარება ძველ ტრადიციებთან კავშირის გაწყვეტით დაიწყო. იმპერიის უკანასკნელ საუკუნეებში დატრიალებული ტრაგედია საგარეო და შინაურ უთანხმოებათა გაერთიანებამ განაპირობა. რომის იმპერიის დაცემაში გადაწყვეტი როლი შეასრულა იტალიის ბარბარიზაციამ. უცხო ელემენტის დამკვიდრებამ ბოლო მოუღო რომაულ ტრადიციებს, რასაც საბედისწერო დასასრული მოჰყვა. ბარბაროსებში არეული იმპერია ვერ იხსნა ახალი რელიგიის, ქრისტიანობის კანონიზაციამ.

ძველი სამყაროს ხალხებმა თავიანთი კულტურის აყვავებას გამრავლების აღმავლობის სტადიაზე მიაღწიეს. ყველა ეპოქაში სერიოზული ყურადღებით ეკიდებოდნენ მოსახლეობის გაზრდის საკითხს. როდესაც გამრავლებისადმი ინტერესი ქვეითდებოდა, კრიზისიც გარდაუვალი ხდებოდა. ასეთი ბედი ეწია ძველი კულტურის შემქმნელი ხალხების უმრავლესობას.

ადამიანები კაცობრიობის ისტორიის გარიჟრაჟიდანვე უდიდეს მოთხოვნილებას უყენებდნენ იმ მოვალეობათა მტკიცედ შესრულებას, რომლის გადაწყვეტაც მათ ხელში იყო. ამქვეყნიური ცხოვრების ეს მხარე ძველმა სიბრძნემ ღმერთებთან სიახლოვით შეამკო და უკვდავების თანაზიარად გამოაცხადა.

P. S. ისტორია ცხოვრების მასწავლებელიაო, თქვა დიდმა ციცირონმა. ეს სიტყვები ოც საუკუნეზე მეტია ემსახურებას ადამიანებს და შთაგონებს მათ, როგორ უნდა სულს გულისყურით მოეკიდონ. როგორი დამოკიდებულება გვაქვს ამ ბრძნულ შეგონებასთან? სიტყვები გვახსოვდა, მაგრამ მისი შინაარსი დავგავიწყდა. წარსულთან კავშირის გაწყვეტამ, ნახტომმა უცნობ სივრცეში ადამიანები დააშორა ეროვნულ ტრადიციებს. საზოგადოების განათლებულმა ნაწილმა მრავალშვილიანობა ზედმეტ ბარგად და ხშირად ჩამორჩენილობადაც კი ჩათვალა. იგი შეუერთდა საერთო მდინარეს, რომლის მიმართულებაც უცნობი იყო. შეუღდა ახლის შენებას, მაგრამ გაუფასურდა აშენებული. ჩვენი კრიზისის ძირითადი ნიშანი სიმრავლისადმი გულგრილობაა. დამოუკიდებლობა, რომელსაც მოვითხოვთ, მხოლოდ დაუსახლებელ პლანეტაზე თუ იქნება შესაძლებელი. ჩვენ გარშემო ყველანი ჩვენზე მეტნი არიან.

გავრცელებული აზრი ქართველთა რჩეულობის შესახებ, სუფრაზე შემუშავებულ შეხედულებაა. შვილი: ერთი და კარგი. ვერც ერთი ეროვნების ადამიანს ვერ დავასახელებთ, კული შვილი რომ სიამოვნებდეს. რა გარანტია გვაქვს, რომ ჩვენი თითო-ოროლა ნაშვირი განსაკუთრებული ნიჭითა და ღირსებებით შემკული იქნება? დიდ ადამიანთა უმრავლესობა მესამე და მომდევნო შვილები იყვნენ თავიანთი მშობლებისა. ბუნების კანონები ადამიანთა ნებასურვილს არ ემორჩილება. მაღალფარდოვან სიტყვათა და ბრძნულ შეგონებათა მოჭარბება, უკეთესის მიღწევის მართოდენ სურვილად რჩება. ბოლო ათწლეულებმა ისტორიის საკუთრებად დატოვა საუკუნეთა განმავლობაში გამოკვეთილი გადაარჩენისა და უკვდავების ხატი. ყალბი კერპის გადაულახავად შეუძლებელია სიწმინდისა და ამაღლებულის სამსახური. საუკუნეთა სიღრმეებიდან მოგვაგონებენ ბრძენი მოაზროვნეები, რომ სიმდიდრე არ არის ბედნიერების საზომი. ადამიანმა უნდა დაიბრუნოს სრულყოფა, უკუაგდოს გაჩირაღდებულ, მაგრამ უბავშვო ციხე-დარბაზთა კულტი. უარყოს გარეგნული ბრწყინვა და თავისი ოფლით მონაბოგარს ისეთი გზა მისცეს, რომ მისი მოქმედება შთამომავლობას საამაყოდ დარჩეს.

ძველი სამყაროს მიერ შემუშავებულ მოდელს ადამიანის დანიშნულების შესახებ დღესაც არ დაუკარგავს მნიშვნელობა. პლუტარქეს სიტყვები ძალაში რჩება: ბუნებისაგან მონიჭებული სიყვარულისა და ალერსის ღვთაებრივი უნარი ადამიანებს უნდა მოხმარდეს.

წარსულის ნაზრევთა მოხმობა იმიტომ განვიზრახეთ, რომ გავგვიადვილდეს ჩვენში გაბატონებული თვითკმაყოფილების გრძნობის შეკრთობა. ხსნისა და უკვდავების იდეა სიმრავლეშია. უნდა აღორძინდეს წინაპართა ტრადიციები, რომლის დავიწყების უფლება არც ერთ ეპოქაში მცხოვრებ ქართველს არ აქვს. უკვდავების სული ცოცხლობდა და იბრძოდა მარადის. იგი ოდნავ რომ წაფორხილებულიყო, ალბათ საქართველოც ვერ გამოაღწევდა ისტორიის ჯოჯოხეთურ ლაბირინთებს.

ბ. ჯ.

რეზიუმე პრესის საფლავთან



აკი წერეთელი კახეთს 1911 წლის ივლისში ესტუმრა. ეს იყო რიგით მესამე და უკანასკნელი მგზავრობა პოეტისა საქართველოს ამ მშვენიერ კუთხეში. თელავში ყოფნის დროს აკაკიმ გადაწყვიტა, სწვეოდა ქისტაურს და ენახა გამოჩენილი ქართველი პოეტის რაფიელ ერისთავის საფლავი. მასპინძლებმა აკაკის წადილი მაშინვე აცნობეს ქისტაურში მიხეილ ერისთავს.

რადგან იმ დღეებში მეტისმეტად ცხელოდა, მგზავრები ათი კაცის შემადგენლობით, რომელთაც სამი ეტლი ეკავათ, დილაადრიანად გაუდგნენ გზას ქისტაურისაკენ.

ქისტაურში აკაკის გამორჩეული გულთბილობით შეხვდნენ. რაკი დაღლილობა შეატყვეს, მიიწვიეს ცალკე ოთახში დასასვენებლად. მისი თანმხლები პირები მასპინძლებმა ფართო აივანზე გაიყვანეს. აივანი ჩრდილოეთის მხრივ გადაწყურებდა კავკასიონის მთებს. აქედან კარგად მოჩანდა კახეთის თვალწარმტაცი მინდორ-ველები და სულ რაღაც ხუთი თუ ექვსი კილომეტრის მანძილზე ამყარდებოდა ალავერდის ტაძარი. მის გასწვრივ კი ფართო ვერცხლის ქამარივით გაწოლილიყო მდინარე ალაზანი.

საუზმის შემდეგ სტუმარ-მასპინძლები ეტლებით გაემგზავრნენ ერისთავების საგვარეულო აკლდამისაკენ. მალე საურმე გზა ჩათავდა და აღმართის ბილიც ფეხით აუყვნენ.

გამოჩნდა ატეხილი ტყის შუაგულ ვაკეზე მდებარე სასაფლაო. იქვე, პატარა ეკლესიასთან ახლოს, განისვენებდა რაფიელის ნეშტი.

აკაკიმ ქული მოიხადა, დაიჩოქა რაფიელის საფლავთან და თითქოს ლოცულობსო, მძიმედ, მაგრამ გარკვევით წარმოთქვა:

— განისვენე, დიღო მგოსანო, განისვენე...
და მცირე პაუზის შემდეგ დაუმატა:

— განისვენე იქ, სადაც შობილხარ, გაზრდილხარ და გისროლია ისარი, სად მამა-პაპა გეგულვის, იმათი კუბოს ფიცარი...
ამ სიტყვებთან ერთად პოეტს თვლებიდან ცრემლები გადმოსცვივდა. მერე ფეხზე წამოიღა და თავი დახარა. პოეტთან მივიდა თელაველი კორესპონდენტი ვ. პაატაშვილი და მოკრძალებით მოახსენა:

— ბატონო აკაკი, 1901 წელს, რაფიელი რომ გარდაიცვალა, დიდი მიწერ-მოწერა იყო თბილისში, ქართველთა შორის წერა-კითხვის გამავრცელებელი საზოგადოების მთავარ გამგეობასთან, რომლის თავმჯდომარეც მუშაობდა ილია ჭავჭავაძე და ველოდით დასტურს, რომ რაფიელის ნეშტი გადაგვესვენებინა თბილისში, დაგვეკრძალა დიდუბის პანთეონში. მართალია, იქიდან თანხმობა მივიღეთ, მაგრამ აქ პოეტის ახლობლები ვერ დავითანხმეთ და დავასაფლავეთ იქ, სადაც „მამა-პაპათა კუბოს ფიცარი ეგულებოდა“.

აკაკიმ თავი გადააქნია და კორესპონდენტს უპასუხა:
— ძალიან დაგიშავებიათ!... რაფიელის საფლავი საქართველოს გულში. თბილისში უნდა ყოფილიყო და არა აქ, მიყრუებულ ტყეშიო!

რაფიელის საფლავზე გადახდილ იქნა პანაშვიდი. სასაფლაოდან სოფელში დაბრუნება უფრო იოლი იყო. აკაკიმ კეთილი მასპინძლის ოჯახში ცოტა ხანს დაისვენა.

მალე მოიყვანეს ოთხი თუ ხუთი ქისტაურელი, რომლებიც თავაზიანად, ქუდების მოხდით მიესალმნენ აკაკის და მოკლედ უამბეს, რომ ცნონებული ბატონი რაფიელი კეთილი კაცი იყო, ხშირად გვეხმარებოდა, ახლობლურად გვექცეოდა, უყვარდა ოხუნჯობა, და, როცა კარგ გუნებაზე ბრძანდებოდა, შაირობაშიც გვიწვევდა ხოლმეო.

სადილი დიდხანს არ გაგრძელებულა, რადგან სტუმრებს თელავში მიეჩქარებოდათ.

აკაკი და მისი თანმხლები პირები მასპინძლებს გამოეთხოვნენ და ეტლებში ჩასხდნენ. გზის გასწვრივ გამოსული ქისტაურელები ხელის ქნევით ეთხოვებოდნენ პოეტს, პატარები კი ნარდ-ყვავილებს აყრიდნენ ეტლს, რომელშიც აკაკი იჯდა.

შალვა მარკოზაშვილი.



მსოფლიოში ულამაზესი



რანგი კინომსახიობის კაროლ ბუჯეს შემოქმედებითი წარმატების გზა ლუის ბუნიუელის სახელს უკავშირდება. 1977


წელს კინოკრანებზე გამოდის დიდი ესპანელი რეჟისორის უკანასკნელი ფილმი — „სურვილის ეს ბუნდოვანი ობიექტი“, რომლითაც ორი მანამდე სრულიად უცნობი ქალიშვილი ფრანგი კაროლ ბუჯე და ესპანელი ანხელა მოლინა საკმაოდ სწრაფად იხვევენ სახელს.

ანხელა მოლინასაგან განსხვავებით, კაროლ ბუჯეს კარიერა ბევრად უფრო იღბლიანი გამოდგა, რაშიც სხვადასხვა სუბიექტურ თუ ობიექტურ ფაქტორს შორის უმთავრესი როლი მისმა სილამაზემ ითამაშა. აგერ უკვე თერთმეტი წელია, მისი ფოტოები სისტემატურად ამშვენებენ ილუსტრირებულ გამოცემებს.

კაროლ ბუჯე საფრანგეთის ულამაზეს ქალად არის აღიარებული. ვისაც

ჰქონდა შესაძლებლობა, ენახა ჩვენი ქვეყნის კინოკრანებზე ფრანგული ფილმი „ნაპირი მარცხენა, ნაპირი მარჯვენა“, საკუთარი თვალით დარწმუნდებოდა მის მომხიბლობაში. როგორც აღვნიშნეთ, კაროლ ბუჯე ულამაზეს ქალად არის მიჩნეული თავის სამშობლოში. მხოლოდ იმასაც დავძენთ, რომ იგი ულამაზესად ითვლება, მაგრამ არა ქვეყნის სიმბოლოდ. საფრანგეთის სიმბოლოდ აღიარებისათვის მხოლოდ გარეგნული მშვენიერება საკმარისი არ არის. საჭიროა ბევრი სხვა მონაცემიც. თავის დროზე საფრანგეთის სიმბოლოებად ითვლებოდნენ ბრიჟიტ ბარდო, მირეი მატეი... 80-იანი წლებიდან კი ეს საპატიო ტიტული მიაკუთვნეს კატრინ დენევს. საფრანგეთის დიდი ბურჟუაზიული რევოლუციის 200 წლისთავისადმი მიძღვნილ სუვენირებსაც ფრიგოული ჩაჩით დამშვენებული კატრინ დენევს გამოსახულება დამშვენებს.

80-იანი წლებიდან კაროლ ბუჯეს



ზშირად იწვევენ იტალიურ ფილმებშიც. იგი ფართოდ მონაწილეობს სხვადასხვა კომერციულ რეკლამებში. განსაკუთრებით მკიდრო ურთიერთობა აქვს პარფიუმერიის მწარმოებელ ფირმებთან. „მსოფლიოში ულამაზესი ქალის“ ტიტულიც კაროლ ბუკეს სწორედ პარფიუმერიის მწარმოებლებმა მიანიჭეს.

პარფიუმერიის მაგნატები არ შეშინდებიან თავიანთ არჩევანში. უამრავი მანდილოსანი ცდილობს, შეიძინოს სწორედ ის ნაწარმი, რომელზეც აღბეჭდილია კაროლ ბუკეს ფოტო.

მიმდინარე წელს საფრანგეთის კინემატოგრაფისტთა უმთავრესი ჯილდოს „სეზარის“ გადაცემისას მიძღვნილი ტრადიციული ტელერეპორტაჟის მსვლელობის დროს ეკრანზე გამოჩნდა სიმპათიური გარეგნობის ხნიერი ქალი. ადვილი წარმოსადგენია ფრანგი ტელეჟურნალისტების განცვიფრება, როდესაც მათ შეიტყვეს, რომ ეს ხნიერი ქალი კაროლ ბუკეა. ამ მეთამორფოზაში კაროლ ბუკეს „დახმარება“ გაუწიეს ცნობილმა ფირმამ „პლასტიკ სტუდიო“ და გრემორმა დიდი ლევერანმა. რომელმაც მთელი თავისი ოსტატობა და ფანტაზია ჩააქსოვა. რათა ფრანგებისათვის წარმოედგინა, თუ როგორი იქნებოდა მათი კერძი 70 წლის ასაკში.

„პლასტიკ სტუდიის“ და დიდი ლევერანის მონღოლებისა და ერთი თვის შრომის შედეგად კაროლ ბუკე რამდენიმე წუთით „ხანდაზმული“ შეიქმნა (თუმცა ამით მას სრულიად არ მოჰკლებია მიმზიდველობა), ხოლო შემდეგ ხელ რაღაც 10 წამის განმავლობაში ტელეჟურნალისტთა თვალწინ დაიბრუნა თავისი ასაკი. „პლასტიკ სტუდიის“ მესვეურთა დახეობითი მტაცებით, კაროლ ბუკე წუსტად ისე გამოიყურებოდა, როგორც იგი უნდა იყოს 70 წლისა, ასევე ყველა მსურველს ფირმა სთავაზობს ნებისმიერი წლოვანებით „დაბერებას“. თავიანთ ფინანსურ წარმატებაში „პლასტიკ სტუდიის“ ხელმძღვანელობას ეკვიპ არ ეპარება, რადგან ამგვარი ეფექტური რეკლამა, რომლის საერთო ფონს „სეზარით“ დაჯილდოების რეპორტაჟი წარმოადგენს, ხოლო მოდელიორად ულამაზესი ვარსკვლავი გვევლინება, უსათუოდ შეასრულებს თავის საქმეს.

ნუგზარ ბარდაველიძე



მუხლჩაუსრელი მოგზაური

მისი ცხოვრების თითქმის ნახევარ საუკუნეს მოიცავს ფიზიკური კულტურისა და სპორტის მასწავლებლობა ოჩამჩირის რაიონის მერკულის №1 საშუალო სკოლაში. დაბადებულია გალის რაიონის სოფელ პირველ გალაში 1914 წლის 5 მაისს. აშუამად ცხოვრობს ქალაქ ტყვარჩელში. ჰყავს ოთხი წვილი და 9 შვილიშვილი. არის დიდი სამამულო ომის მონაწილე, მეორე მსოფლიო ომის მონაწილე, მკურნალ-ფიზიკური კულტურისა და სპორტის ფრანკონის, სპორტის ოსტატი, წარჩინებული მასწავლებელი, მიღებული აქვს ჯილდოები.


სახელმწიფო პიროვნება გახლავთ. მას იცნობენ როგორც ქვეითად მოსიარულე მუხლჩაუსრელ მოგზაურს.

1980 წლის 22 მაისს ტყვარჩელიდან გავიდა და 4 ივლისს მოსკოვში ჩავიდა 66 წლის სპორტსმენი-მოგზაური რაუნდენ ჰანტურია და 2850 კილომეტრის ქვეითად გავლას 4 მ დღე მოანდომა. ეს ტურნე მან მსოფლიოს XXII ოლიმპიური თამაშების გახსნას მიუძღვნა და დიდი პატივისცემაც დაიმსახურა. სწორედ ამ დროს იყო „ოლიმპიადის პაპა“ რომ შეარქვეს.

ასევე სხვადასხვა მნიშვნელოვან თარიღთან დაკავშირებით უკვე ხანდაზმულმა სპორტსმენმა დალაშქრა 6.500 კილომეტრი ოთხ თვეში (გამირი ქალაქების გავლით), 800 კილომეტრი — მთების გადავლით 9 დღეში, 7500 კილომეტრი — 58 დღეში და ა. შ.

დღეისათვის მას ქვეითად გავლილი აქვს 18 ათასი კილომეტრი. მიუხედავად ხანდაზმულობისა, ბატონი რაუნდენი მხნედ გამოიყურება და უნდა ვივარაუდოთ, რომ კვლავაც გაგვაოცებს ახალ-ახალი მიღწევებით როგორც ქვეითად მოგზაური სპორტსმენი.

რული შტრალი



მინისტრმა მოთმინებით მოსმინა. მერე ფიქრიანად ჩაილაპარაკა. — წრდილობის კანონი? განა ასეთი კანონი ჯერ არ არსებობს? კარგად მახსოვს..

— მოთმინეთ, ბატონო მინისტრო, — სიტუვა შევაწვევტინე. უკმაყოფილოდ შემომხედა.

— მომიტყევეთ, ლაპარაკში რომ ჩაგვირეოთ, — განვაგრძე მე, — სწორედ ამით დავარდვით აღნიშნული კანონი, ასე არ არის?

— ცხადია, — მომიგო მინისტრმა.

— და თქვენ შეგიძლიათ ამის გამო პასუხისგებაში მიმცეთ? — რა თქმა უნდა, არა.

— აი სწორედ ეს ამტკიცებს. — წამოვიძახე საზეიმო ტონით, — რომ წრდილობის კანონი მხოლოდ სიტუვირად არსებობს! და რამდენადაც იგი იურიდიულად არსად არაა ფიქსირებული და მთავრობის მიერ არ არის დამტკიცებული, ამიტომ ყველა შესაბამისი დარღვევა დაუსჯელი რჩება. დროა, ბოლო მოეღოს დაუდევრობას. პირადად მე, ბატონო მინისტრო. ისეთი წარმოდგენა მაქვს, რომ წრდილობის კანონის უქონლობით უფრო მეტად ვზარალობთ, ვიდრე თუნდა ჩიბის ქურდებისა და წვრილმანი თაღლითებისაგან... დაწვრილებითი პროექტი შევადგინე...

— ეს მოსაწონია, — შენიშნა მინისტრმა, — აბა მომეცით. ალბათ შეხადებელია მისი ცხოვრებაში განხორციელება და სამშობლოც მადლობას გადაგისბოთ...

სულის სიღრმეზე გულაჩუყებული გამოვდი საშინისტროდან და შინისაკენ გავეშურე. გზაში ვიღაცა ხუმარამ პალტოზე ქაღალდი მომაკრა წარწერით: „პირუტყვი ვარ“. თავი ისე დავივირე, თითქოს არა მომხდარიყოს რა.

ავტომძღოლები და ფეხით მოსიარულეები ერთიმეორეს „თქვენობით“ დაუწყებენ მიმართვას. ზოგიერთი მოზინარე იძულებული შეიქნება, გაკვირვებით დაადასტუროს, რომ თურმე მეზობლებიც აღამიანები უოფილან. უფროსები მართო პირად მდინებს კი არა, ცოლებსაც აღერსიანად მოექცევიან. თეატრები მხოლოდ კარგი პიესების დადგმას დაიწყებენ.

ყველა დააბრუნებს ნათხოვარ წიგნებს. გამყიდველები ღიმილს მიეჩვენებენ, ორატორები — გაჩუმებას. ფეხბურთელები აღარ შეურაცხყოფენ მსაჯებს და მათი მინდვრიდან გაძევება აღარ მოუწევთ. ახალგაზრდები მიენივებიან, პორტატული რადიომიმღებები ისეთ ხმაზე დააყენონ, რომ საკუთარი ბინის იქით ხმა არ გადიოდეს...

როგორც ყოველი ახალი წესის შემოღების დროს, ბუნებრივია აქაც ზოგიერთ სიმძლეს წავაწყვდებით. ამიტომ მთელი რიგი პროფესიისა და კატეგორიის აღამიანებისათვის (ოფიციატები, ხელმძღვანელი თანამდებობის პირები, ქმრები, ქოლერაები და ასე შემდეგ) თავიდან აღზრდის მიზნით საჭირო გახდება მოკლევადიანი კურსების ჩამოყალიბება, რომ სახამართლო ორგანოებს რამდენადმე შეუმსუბუქდეთ მუშაობა. გამოჩენილ ფილოლოგთა ჯგუფი თავიანთ გამოსვლებაში მიუთითებენ ენის გალატაქების მოსალოდნელ საშიშროებაზე, რადგან კანონით აიკრძალება აშუამად ფართოდ გავრცელებული უჩვეულო ცნებები და გამოთქმები. მხოლოდ გამოთქმა „მოკეტებს“ ირგვლივ გაჩაღდება ცხარე დისკუსია... ბევრი უურღლისტი ღრმა დებარესიაში აღმოჩნდება: აღარ ეცოდინება რა და როგორ დაწეროს. სიძებო მტყველების დაკარგვის სტიმულირებას გავატარებთ.

შევედი საშინისტროში, ვახტორს ჩავუარე და თავაზიანად მივეხალმე. — ეი! — მომაძახა მან. — საით?

— მინისტრთან, ჩემო ბატონო.

— თქვენ რა, გამოგიძახეს? — უნდობლად მკითხა მან.

— არა, არ გამოვუძახებია, მაგრამ დარწმუნებული ვარ ჩემი წინადადება დაინტერესებს მინისტრს.

— ასე ყველამ შეიძლება გაიაროს, — აბუჩად ამიგლო ვახტორმა, რომელსაც ჰგონია, სამსახურბრივი მდგომარეობა უფლებას აძლევს, ყოველ მიმხვლელს ასეთი ტონით ელაპარაკოს.

— ნუთუ! — მოვუტყერი მოკლედ.

ვახტორმა ისეთი მზერა მტკორცნა, ცხადია, ჩემს გონებრივ უნარში შეეკვდა. მე ვიღივებოდი. ვახტორმა უხეშად მომაძახა:

— მე მგონი, ან ჰკუიდან შეიშალებო, ანდა ნაყლაპი ხარო.

— არც ერთი და არც მეორე, — მივუგე მშვიდად, — მინდოდა მხოლოდ, მინისტრისათვის წრდილობის კანონის პროექტი გაემეცო. დარწმუნებული ვარ, მიწვნიება.

— მე კი სულაც არა ვარ დარწმუნებული! — დამიღრიალა ვახტორმა. — შენ რა, ჩემი მახსრად ავდება მოინდომე? აბა გაერთიე აქედან, სანან ძალა არ მიხმარია. ვიღაც ყბედი და მახსარა ხარ, შე ბრიყვო!


ალბათ. თქვენთვის გასაგებია, რომ წამოსვლა მომიხდა. მაგრამ მთელი არსებით მჭერა: მინისტრი ჩემს პროექტს რომ გასცნობოდა, ყველაფერი სხვაგვარად მოეწყობოდა. სულ სხვანაირად...

გერმანულიდან თარგმნა შოთა ამირანაშვილმა.

თარგმანად: 1. რეკლამის სახელწოდება აშშ-ში; 8. მაღალი ბოქოვანი მცენარე; 9. ავკაცი; 10. უწყება, რომლითაც ატყობინებენ მიმღებს მისთვის დუღის, თამასუქის ან საქონლის გაგზავნას; 11. საქონლის საერთო წონა; 12. თბილისის ერთ-ერთი უბანი; 14. მოწყობილობა მზა ნაწარმის ფორმის შენამოწმებლად; 17. უიარაღოს ერთ-ერთი ნაწარმოების პერსონაჟი; 19. სახმარად გამოუსადეგარი, მაგრამ ნელდელად ვარგისი ნივთები; 21. ამერიკელი რეჟისორი, პროდიუსერი და მსახიობი; 22. ადამიანების, ხალხთა გადასახლება ქვეყნის შიგნით და მის საზღვრებს გარეთ; 23. ძველ საბერძნეთსა და რომში: ღვინისა და მხიარულების ღმერთის დღესასწაული; 24. ქიდაობის ერთ-ერთი სახეობა; 28. სახელმწიფო აფრიკის კონტინენტზე; 29. გარეული ცხოველი; 31. შთამომავლობა, რომელიც წარმოიშვა ვებეტატიური (უსქესო) გამრავლების გზით; 32. გზის საზოგადოებრივი ამერიკის ქვეყნებში; 34. ამერიკელი კინოვარსკვლავი; 35. მდინარე ბულგარეთში; 36. უფერო საწვავი, შხამიანი ჭავი;

შვამულად: 1. ხმადაბლა (მუს. ნაწარმოების შესრულების დროს); 2. ბაღი, რომელსაც აქვს ყვითელი პრილა ყვავილი; 3. საერთო სახელწოდება ამერიკის ძველი მკვიდრი მოსახლეობისა; 4. დაკოდილი ცხენი; 5. ინგლისური სიგარტის საზოგადოება; 6. სასამართლო პრაქტიკაში რთული დახლართული საქმე; 7. აბრეშუმის ერთგვარი პრილა ქსოვილი; 11. ვაჟა-ფშაველას ნაწარმოები; 13. მსახიობი, რომელიც დახელოვნებულია იმიტაციაში; 15. ნივთიერება, რომელსაც იყენებენ ფოტოგრაფიაში; 16. ბურჟუაზიული მიმართულება, რომელიც ქადაგებს შიშველი სხეულის კულტს; 18. თხლად დაკრიული, შემწვარი კარტოფილი; 20. კიბე (გემის, თვითმფრინავის); 24. მრავალწლოვანი სარეველა ბალახი, მრავალწლოვანთა ოჯახისა; 25. ყურე ინდოეთის ოკეანეში; 27. განუხორციელებელი ოცნება, ფანტაზია; 30. ბერძნულ მითოლოგიაში: ცისარტყელას ქალღმერთი, ღმერთების მაცნე; 31. ხილი; 32. სვანური ხალხური სიმღერა; 33. ავადმყოფობის განვითარების უმადლესი წერტილი.


შეადგინა თინა გაქანიშვილი



მე-5 ნომერი გამოქვეყნებული კროსვორდის პასუხები:

თარგმანად: 2. ტვენტი; 4. ატაკი; 7. „ბორუსია“; 8. ბადმინტონი; 10. ქიში; 12. ინგლისი; 15. ტრეკი; 17. „ანდრეჟიტი“; 19. გო; 21. ფინალი; 22. ეისებო; 24. დურუჯი; 25. კორიფე; 27. „ნანტი“; 28. მარაკანა; 30. „რომა“; 31. იპოდრომი; 32. ისლანდია; 35. „არისი“; 37. კომლი; 42. ანძილი; 44. ინდექსი; 46. თარგი; 47. „ლივერპული“; 48. „არსენალი“.

შვამულად: 1. ჭექსონი; 2. ტატამი; 3. პერუ; 5. კანოე; 6. შაში; 7. ბოსტონი; 8. „ბასტია“; 9. იოტი; 11. „ბენფიკა“; 12. „ინტერნაციონალი“; 13. გერსონი; 14. სერია; 16. სინდრომი; 18. პასი; 19. „გურია“; 20. ჩუი; 23. ბლიცი; 26. ფიდე; 28. მილი; 29. რინგი; 33. არბიტრი; 34. პიუჯე; 36. სილენი; 38. ლიტვა; 39. აია; 40. აქთაუ; 41. სირია; 43. ლირა; 45. კი.



გარეკანის პირველ გვერდზე: აკაკი წერეთელი. მხატვარი კორნელი სანაძე.
გარეკანის მეოთხე გვერდზე: მხატვრობა ლადო გრიგოლიასი.

გადაცა წარმოებას 27.04.90. ხელმოწერილია დასაბეჭდად 30.05.90. უე 07990. ქალაქის ზომა 70x108¹/₈. გარეკანი, ჩანართი და ტექსტი იბეჭდება ოფსეტური წესით. ფიზიკური ფურცელი 3, პირობითი ნაბეჭდი ფურცელი 4,2, სააღრიცხვო-საგამომცემლო თაბახი 5,69. ტირაჟი 54.500. შეკვეთა 1031. ფასი 35 კპ.

380096, თბილისი, ლენინის ქ. № 14, საქართველოს კვ ცკ-ის გამომცემლობის სტამბა.
Ежемесячный общественно-политический и литературно-художественный журнал «Дроша» («Знамя»), (на грузинском языке). 380096, Тбилиси, ул. Ленина, 14. Типография издательства ЦК КП Грузии.
Адрес редакции: 380008, Тбилиси, 8, пр. Руставели, 42.

380008, თბილისი 8, რუსთაველის პრ. 42.
ტელეფონები: მთავარი რედაქტორის — 99-54-66, კ/მგ. მდივნის — 99-82-69, განყოფილებათა გამგეების — 99-28-42, 99-01-39, რედაქციის სამდივნოსი — 99-54-66.

რეაქციაში შემოსული მასალა ავტორს არ უბრუნდება.



შეხვედეთ მთასა ბუმბუკას,
ცას მიბჯენია ლაევარსა.
მალღო მზეს ესაუბრებო
დაბლა... იასა და ვარსა.

მის ფერდობებზე ათასი
მკლის გზა, ვიწრო ხევი...
მილიან, მაგრამ წვერვ:ლთან
ჯირ არვის მიუზწვეია.




საღმარებლო სახეცაღმარებლობის
რეგისტრაციის

ნ.ბ. დონია



ეს გაუმარჯოს უკვდავ აკაის, რომელიც საუბრადანაც
გვეხმარება და კი კი შემოსავლს არ გვაკლებს.



გ. ხახიაშვილი



6^{79/}
73

1840
1990

